


PL
2685
A17
1782
v.3

紀行
游覽

王
施
合
註
蘇
詩
全
集
三



蘇東坡詩集注卷第一

嘉定 錢 大昕 輯註

常州 洪 亮吉 纂

太倉 李 錫恭 分編

紀行

8

壬寅二月有詔令郡吏分往屬縣減決囚

禁自十三日受命出府至寶雞號郿盤屋

四縣既畢事因朝謁太平宮而宿於南谿

谿堂遂並南山而西至樓觀大秦寺延生

觀仙游潭十九日乃歸作詩五百言以記

凡所經歷者寄子由趙次公壬寅嘉祐七年也鳳翔有十縣曰天興曰岐山曰扶風



紀云大段似香山東南
行不免小之病累而五
百字一氣相生不寫來
心不見修辭華力殊不
可及

紀云次句停字不妥

曰盤屋曰郿曰寶雞曰號曰麟遊曰晉潤曰好時故有詔
減決囚禁則令郡吏分往屬縣而先生所得則寶雞號郿
盤屋四縣也王十朋案年譜嘉祐七年壬寅先生
年二十七在鳳翔任二月奉詔決囚故有此詩

遠人罹水旱王命釋俘囚分縣傳明詔循山得勝

遊蕭條初出郭曠蕩實消憂次公漢書有曠蕩之恩薄莫來孤

鎮登臨憶武侯程續鎮即武成鎮也俗謂之石鼻寨孔明所築蓋其鎮在寶雞東相傳孔明嘗圍郝昭於陳倉築此

城以拒魏兵崢嶸依絕壁次公選有南北崢嶸刻削蒼茫瞰奔流

次公蒼茫兩字古人用之皆是平聲而先生所用乃是仄聲蒼字廣韻音

半夜人啼急橫空火氣浮天遙殊不辨風急已難

收曉入陳倉縣續陳倉秦漢舊縣唐改為寶雞次公曰前漢地理志係之右扶風即鳳翔府矣地志載秦記云陳

倉以山得名山有石雞與山雞不別趙高燒山山雞飛去而石雞猶餘

賣酒樓煙煤已狼籍吏卒尚呀咻公自注十二日宿武成鎮即俗所謂石鼻寨也

紀云倒押不妥

作相去三十里而見於武成雞嶺雲霞古龍宮殿宇幽縣有

峰龍宮寺云陳師道雞爪峰在寶雞之東秦文公獲若石二千陳倉北阪城祠之其神從東方來光輝若雉雌雄集于祠城其聲殷殷野雉皆鳴秦

因立寶雞祠雞爪峰蓋以此得名南山連大散李厚縣南乃大散關秦蜀通塗歸客走吾州

次公指言蜀中也走音奏漢書文帝指示慎夫人新豐道曰此走邯鄲道也欲往安能遂將還為少

留回趨西號道續西號號叔所封平王東還號徙上陽故謂之南號却渡小河洲聞

道礮溪石猶存渭水頭蒼崖雖有跡大釣本無鉤

十四日自寶雞行至號聞太公礮溪石在縣東南十八里猶有投竿跪餌兩鄰所著之處東去過郿塢孤城

象漢劉十五日至郿縣有董卓城象長安俗謂之小長安續董卓築塢於郿號萬歲塢誰言董公健續表紹傳

卓議廢立袁紹勃然曰天下健者何必董公竟復伍孚李厚越騎校尉伍孚忿卓凶毒懷佩刀刺之不中左右執孚孚大

言曰恨不得礮白刃俄生肘師道王允與呂布謀誅卓令李肅以戟刺之衷甲不入卓驚呼布所在布曰有

裂姦賊於都市詔遂殺卓黃魯直潘子真詩話補遺曰杜詩當知肘腋事自及梟獍徒肘腋是趙滅智伯事黃金謾似丘師道卓郿塢中

乃石竹

珍藏有金二三萬斤銀八

平生聞太白

續太白山在武功縣諺云武功太白去天三百言其高也

乃往郿縣之道洪駒父三十六洞天記第十一太白山洞周回五百里鬼谷子於此授蘇秦佐國之術祠廟皆在長安

一見駐行

騶鼓角誰能試風雷果致不巖崖已奇絕冰雪更

琯鏤

次公選賦云木不琯鏤

春旱憂無麥山靈喜有湫蛟龍懶

方睡餅罐小容偷

是日晚自郿起至青秋鎮宿道過太白山相傳云軍行鳴鼓角過山下輒致雷雨山上有湫甚

靈以今歲旱方議取之次公偷字韻蓋方言取龍水謂之偷湫也洪龜父

莊子列禦寇篇河上有子得珠其父曰珠在驪龍頷下子能得珠者必遭

其睡也饒德操北夢瑣言江南沿江

多蘆荻冬月縱火焚多燒起睡龍

賦右極盤屋并卷豐鄴之下李善注云盤屋山名案宇

記長安志皆云山曲曰盤水曲曰屋故今云二曲也

續古謂伊洛河為三川唐以劍

南東西及山南西道為三川

盤屋以近山地美氣候殊早

紀公竹筴二字不宜

縣有官竹園十數里不絕
皇帝也揚雄傳行宮畫冕旒
次公玉藻天子之冕藻上有二旒
先帝膺符命
次公此下一段專言明聖將軍事先帝謂太宗
侍臣簪武弁

女樂抱笙篴

紫皇釋名曰笙篴師延所作趙堯卿史記今上祠太一

后土用樂作笙篴漢書禱祠太一后土作坎侯應劭注使樂工侯服作之調其聲坎坎應節因以其姓號名作坎侯蘇林注作笙篴續漢紀靈帝好胡舞作笙篴數說不同要之皆非雅聲也陳無己許亨周云笙篴狀如張箕探手摘絃出聲祕殿開金鎖神人

控玉蚪

堯卿司馬相如賦曰乘鏤象六玉蚪

黑衣橫巨劒

被髮凜雙眸

十七日寒食自

盤屋東南行二十餘里朝謁太平宮二聖御容此宮乃太宗皇帝時有神降於道士張守真以告受命之符所為立也神封翊聖將軍有殿徐師川翊聖保德真君傳云乾德中太宗皇帝在晉邸頗聞靈應遣近侍致醺太祖皇帝設醺於建隆觀真君降言曰吾乃高天大聖玉帝輔臣降衛宋朝社稷來定遐長基業凡百餘言僧祖可劉燾曰翊聖像皆被髮跣足仗劒擾龍相承舊矣邂逅逢佳士相將

弄綵舟投篙披綠荇濯足亂清溝晚宿南谿上森

如水國秋遶湖栽翠密終夜響颼颼

是日與監官張杲之泛舟南谿遂留

宿于谿堂堯卿南谿之上遶湖松竹翠

密成林廣雅曰小風曰颼涼風曰颼

冒曉窮幽邃操戈畏炳

彪

十八日循終南而西縣尉以甲卒見送或云近官竹園往往有虎次公炳彪以言虎則揚子云大人虎變其文炳也說文云虎文曰彪

尹

紀云強押不妥

生猶有宅

十朋本篇公自注云崇聖觀謂樓觀乃尹喜舊宅也

老氏舊停輅

厚尹喜為函谷關令

尹侯氣知真人西游當過此老子乘青牛薄板車出關喜曰子將隱矣為我著書乃授道德經

問道遺蹤在登山

往車出關喜曰子將隱矣為我著書乃授道德經

往事悠馭風歸汗漫

續列子馭風而行淮南子曰有若士者謂盧敖曰子處矣吾與汗漫期于九垓之上

閱世似蜉蝣

厚郭璞詩借問蜉蝣輩寧知龜鶴年

羽客知人意瑶琴繫馬

鞦韆不辭山寺遠來作鹿鳴呦

堯卿舊注云有太平宮道士趙宗有抱琴見送至寺作鹿鳴之

帝子傳聞李

次公帝子即先生本注唐玉真公主也堯卿唐睿宗之女字持盈始封長昌縣主俄進號上清元都

大洞三景師天寶三年上言曰妾高宗之孫睿宗之女陛下之女弟於天下不為賤何必名係主號資湯沐然後為貴請入數百家之產延十年之

命帝許之與金仙公主皆為道士林子仁青城山記玉真公主肅宗之姑也築室丈人觀玉真金仙二宮主真容見在

品堂髣像

緱

次公女仙列傳載西王母姓緱其所居有玄碧之堂師川周靈王太子晉乘白鶴於緱氏山頭舉手謝時人而去其地即今河南緱氏縣會稽緱

輕風幃幔卷落日髻鬟愁

次公此以狀玉真遺跡之景而追傷之也

驚蒙密登坡費挽攬

次公選詩有遵渚攀蒙容貌費一義復亦免也

亂峰巉似

槩曉入溫門山羣峰亂如戟一水澹如油堯卿白樂天詩噴時中

使何年到金龍自古投次公此言朝廷遣內官投金龍於潭以祈禱者也自唐以來謂之中使杜詩云

中使日夜繼韓子蒼東齋記事道家金龍玉簡學士院撰文千重橫

翠石百丈見游鯈次公鯈者浮陽之魚音紬莊子與惠子游于濠上鯈魚出游故謂之游鯈堯卿沈約詩云百丈

鱗見游最愛泉鳴洞初嘗雪入喉滿餅雖可致洗耳歎

無由是日游崇聖觀俗所謂樓觀也乃尹喜舊宅山脚有授經臺尚在遂與張杲之同至大秦寺早食而別有太平宮道士趙宗有抱琴

見送至寺作鹿鳴之引乃去又西至延生觀觀後上小山有唐玉真公主修道之遺跡下山而西行十數里南入黑水谷谷中有潭名仙游潭上有

寺三倚峻峰面清溪樹林深翠怪石不可勝數潭水以繩縋石數百尺不

得其底以瓦礫投之翔揚徐下食頃乃不見其清澈如此遂宿于中興寺

寺中有玉女洞洞中有飛泉甚甘明忽憶尋墓續唐張祐新水

口石氣清寒流泉出石骨若虬龍吼方冬脫鹿裘師尹東漢虞延傳晏子輔齊鹿裘不

紀云路難述風土如何
挽到弓由以此勢打
舍儒作德收真心堂
手敏

完晏子布衣鹿裘以朝公曰夫子

山川良甚似水石亦堪儔

之家若此其貧也奚衣之惡也

惟有泉傍飲無人自獻酬

昔與子由游墓培時方冬洞中溫溫如二三月

太白山下早行至橫渠鎮書崇壽院壁

馬上續殘夢不知朝日昇亂山橫翠幃落月澹孤

燈奔走煩郵吏安閒媿老僧再遊應眷眷聊亦記

吾曾

次聯是早行景象物從首句殘夢二字生出見日月字不嫌雜

二十六日五更起行至磻溪未明

任居實嘉祐十年在

鳳翔作

夜入磻溪如入峽照山炬火落驚猿山頭孤月耿

猶在石上寒波曉更喧至人舊隱白雲合

次公至人舊隱以言

太公神物已化貴蹤婉

次公神物言龍磻溪有龍於上也壽翁也

安得夢隨

紀云此昌黎所謂何好何惡之詩首句直寫別方平之詩當由偶合東坡和盟句者也查云亂山句後殘夢生出

龍云婉字懸脚

紀云一氣相生化盡堆
排之

憲駕

叩門云介休王暫借霹靂車至介休收麥良久數人共持一物如

幢上綴旗幡凡十八葉有光如電以馬_上傾_倒天_票翻_門

為客嘗夜投宿一巨宅有老婦延之中夜叩戶其迅婦變色曰天符至矣
實告靖曰老婦龍也二子俱出今天命行雨欲煩一行即以一竿使跨之
以一瓢與之曰跨此所至以楊枝灑瓢水則雨也此討意主禱雨故用此
堯卿黃帝陰符經後序云少室山李筌入秦至驪山逢老母因袖中出一
瓢令筌取水筌即攜往澗中盛水其瓢忽重百餘斤
力不能舉便沈於泉遂覓不得所謂天瓢殆此類也

是日自礮溪往陽平憩於麻田青峰寺之

下院翠麓亭

不到峰前寺空來渭上邨此亭聊可喜脩徑豈辭
捫谷映朱闌秀山含古木尊路窮驚石斷林缺見
河奔馬困嘶青艸僧留薦晚餐我來秋日午旱久
石牀溫安得雲如蓋

師尹三水小牘唐皇甫收撰云安定郡有峴陽峰峰上有池若雨則雲起池中若車

蓋然故里諺曰峴山張蓋雨霽霈

能令雨瀉盆

續杜詩白帝城頭雲若屯白帝城下雨翻盆

共看山下

稻涼葉晚翻翻

八 二十七日自陽平至斜谷宿於南山中蟠

龍寺

橫查晚渡碧澗口

次公謝靈運詩銅陵映碧澗

騎馬夜入南山谷

音

谷中暗水響瀧瀧嶺上疎星明煜煜寺藏嵒底千

萬仞路轉山腰三百曲風生饑虎嘯空林月黑驚

麕竄脩竹入門突兀見深殿

次公杜甫宿贊上人房詩夜深殿突兀風動金琅璫

照

佛青熒有殘燭媿無酒食待游人旋斫杉松煮溪

蔌板閣獨眠驚旅枕木魚曉動隨僧粥起觀萬瓦

鉅參差日亂千巖散紅綠門前商賈負椒薜山後

鶴紫曰自首至尾無句不刻對無對不現瑞絕特唯蘇集有之寔為創格其中字景謔刻劉渾成讀之可怖可喜筆力高絕又曰於退之山石篇外別成奇特所謂不向名來行露月也

紀云門前二句紫拂有情過接無此故強雅有習徑而不見其套

紀云起樹帶律。不說閨中。而是閨中所見。與真興寺起法同。
鶴紫而不著。議論而機。援維模之氣。有字。語法味和。實是高峰。

紀云。聞馬。掘生。造。無出。此。物。以。想。像。字。之。遂。不。覺。其。添。造。
鶴紫。更。士。二。字。字。得。諸。萬。軍。營。生。老。杜。中。天。懸。明。月。後。此。其。幼。者。矣。
邵。長。蘅。曰。詩。蕭。馬。鳴。

尺尺連巴蜀。何時歸耕江上田。一夜心逐南飛鵠。

8 是日至下馬磧。憩於北山僧舍。有閣曰懷

賢。南直斜谷。西臨五丈原。諸葛孔明所從

出師也。

南望斜谷口。三山如犬牙。西觀五丈原。鬱屈如長

蛇。次公案長安志引水經注曰斜水北歷斜谷。過五丈原。亦謂之武功水。又曰武功蓋在渭水南。郿縣北是。今先生禱雨於號縣之磻溪。故所經

由望見郿縣之五丈原。李商老唐李筌曰營壘之法。據山憑岡。如蟠龍走蛇。有懷諸葛公。萬騎出漢

巴。續案蜀志建興十二年諸葛亮悉大眾由斜谷出。以流馬運糧。武功五丈原與司馬仲達對於渭南。分兵屯田。為久駐之基。吏士

寂如水。蕭蕭聞馬。糧。公才與曹丕。豈止十倍加。厚諸葛亮

傳先主病篤。召亮謂曰。君才十倍曹丕。必能安國家。定大事。顧瞻三輔間。季希聲三輔黃圖曰三輔治所。京兆在故城內。

尚冠里馮翊在故城內。太上皇廟西南。扶風在夕陽街北。三輔者謂主爵中尉及左右內史。漢武帝改曰京兆尹。左馮翊右扶風共治長安城中是

毛傳言不宣漢也○以詩
用此意

紀云
蘇子美六和塔詩
松橋待金鯉
竟日獨遲留
初不喻此語
乃俸錢塘
乃和詩多也
中有此魚如
金色也昨日
復遊池上投
餌餌乃略出
不食復

為三輔後漢光武之後扶風
出治楓里馮翊出治高陵
載晉陽秋曰有星赤而芒角自東
北西南流投于亮營俄而亮卒
始也蓋魯臧紇敗于狐駱國人逆喪者皆髻次公言緣
亮之死將遂敗亡而蜀士卒之妻服其夫之喪而髻
一室老煙霞往事逐雲散故山依渭斜次公案長安志
引水經曰渭水
經行武功縣北
則渭在此矣
客來空弔古清淚落悲笳

往富陽新城李節推先行三日留風水洞

見待

汪洋案富陽縣圖經云縣管十鄉前地理志秦分三
十六郡富春屬會稽漢哀帝封河間孝王慶元為

富春侯晉武帝太元中避
簡文鄭太后諱改曰富陽

春山礫礫鳴春禽此間不可無我吟路長漫漫傷

江浦此間不可無君語金鯉池邊不見君

夏倪案先
生詩話云

舊讀蘇子美六和塔詩松橋待金鯉竟日獨遲留初不喻此語乃俸錢塘
乃和詩多也中有此魚如金色也昨日復遊池上投餌餌乃略出不食復

紀云一疏案然

紀云起有神致三四自
惡不必曲為之諱

僧智曇即此建六和塔金魚池在寺後山澗水底有金鯽魚
追君直

過定山邨

張孝祥案杭州圖經定山在錢塘舊治之西南四十里楊符太平寰宇記云定山突出浙江數百丈路人

皆言君未遠騎馬少年清且婉風巖水穴舊聞名

只隔山溪夜不行溪橋曉溜浮梅萼知君繫馬巖

花落出城三日尚逶遲妻孥怪罵歸何時世上小

兒誇疾走如君相待今安有

次公先生詩案云熙寧七年二月二十七日在杭州游風水洞

留題詩言世上小兒誇疾走意在
譏諷世人多務急進不顧大體也

新城道中二首

王立之案新城縣圖經管十二鄉吳大帝黃武五年置東安郡新城屬焉唐高

宗永亨元年分富春西境置新城號上縣
皇朝仍之距杭州之西南一百三十三里

東風知我欲山行吹斷檐間積雨聲嶺上晴雲披

絮帽

厚退之詩晴雲如擘絮潘仲達周勃傳勃下廷尉太后以盲絮提文帝晉灼曰巴蜀異志謂頭上巾為冒絮

樹頭初

野桃二分神未之掌
常人乃以名世

日挂銅鉦

厚張平子賦右素威以司鉦次公銅鉦今所謂鑼也先生日喻云生而眇者不識日問之或告之曰日之狀如銅鉦

野桃含笑竹籬短溪柳自搖沙水清西崦人家應

最樂煮葵燒筍餉春耕

身世悠悠我此行溪邊委轡聽溪聲散材畏見搜

林斧疲馬思聞卷旆鉦細雨足時茶戶喜亂山深

處長官清人間岐路知多少試向桑田問耦耕

過淮

居實案水經注及山海經云淮水出南陽平氏縣桐柏山東過江夏平春縣北又東過新息縣南期思縣北至

原鹿縣南與汝水合

朝離新息縣初亂一水碧莫宿淮南邨已度千山

赤麕颺號古戍霧雨暗破驛回頭梁楚郊永與中

原隔黃州在何許想像雲夢澤原夢澤在安州安陸縣吾生如

寄耳初不擇所適但有魚與稻生理已自畢獨喜

小兒子少小事安佚相從艱難中肝肺如鐵石何人表皮

日休桃花賦序云宋廣平貞資勁質疑其鐵心石腸不解吐婉媚辭便應與晤語何止寄衰疾

時家在子由處獨與兒邁南來

別黃州

胡仔先生以元豐三年二月至黃居黃五年至是量移汝州蓋元豐七年八月

病瘡老馬不任鞿

次公杜詩日莫不收鳥啄瘡

猶向君王得敝幃

居實敝幃

不奔為埋馬也次公曲禮乃是帷字在之字韻今微字韻中幃字注云單帳也今豈乃單幃之義乎

桑下豈無三宿

戀

厚後漢裴楷言浮屠不三宿桑下不欲久生愛戀精之至矣

尊前聊與一身歸長腰尚

載撐腸米

次公楚人云長腰杭米縮頸鰕魚言美味也

闊領先裁蓋癭衣

林子敬韻語陽

秋云汝人多苦癭故歐陽公汝瘿詩云偃婦垂甕盜嬌嬰食卵殼無由辨肩頸有類龜縮殼極聖俞詩云女慚高掩襟男大闊裁領

投老

江湖終不失

居實王義之言王述曰投老可得僕射

來時莫遣故人非

過江夜行武昌山聞黃州鼓角

清風弄水月銜山幽人夜度吳王峴

居實吳王峴在武昌西川九曲亭下

江信民志林云孫仲謀泛江自樊口鑿山通道歸武昌今猶謂之吳王峴

黃州鼓角亦多情送我南

來不辭遠江南又聞出塞曲

次公晉史劉疇傳曾避亂塢壁賈胡百數欲害之疇無懼色援

笳而吹之為出塞入塞之聲以動其游客之思於是君羊胡比日垂泣而去

半雜江聲作悲健誰言萬

方聲一槩

續杜詩鼓角緣邊郡川原欲夜時萬方聲一槩吾道竟何之

鼉憤龍愁為余變

我記江邊枯柳樹未死相逢真識面他年一葉泝

江來

次公退之詩共泛清湘一葉舟

還吹此曲相迎餞

自興國往筠宿石田驛南二十五里野人

舍

溪上青山三百疊快馬輕衫來一抹倚山脩竹有

人家橫道清泉知我渴芒屨竹杖自輕軟蒲薦松

牀亦香滑夜深風露滿中庭惟見孤螢自開闔

將至筠先寄遲适遠三猶子

居實元豐七年甲子至筠作

露宿風餐六百里

次公風俗通古人艸居露宿杜詩風餐江柳下

明朝飲馬南江

水未見豐盈犀角兒

續鄭語史伯言幽王惡角犀豐盈而近頑童窮固

先逢玉雪

王郎子

時道逢王郎於建昌方北行也厚太平廣記王仙客幼託其舅家舅女曰無雙皆幼穉相狎舅母常戲呼仙客為王郎子次公

韓退之擬馬繼祖墓志云肌肉玉雪可念

對牀欲作連夜語

次公公懷遠驛讀韋蘇州詩云那知風雨夜復此對

牀眠

念汝還須戴星起夜來夢見小於菟

遠小名虎兒居實左傳楚人謂

虎於菟

猶是髭髥垂兩耳

次公詩云髭彼兩髭

憶過濟南春未動三

子出迎殘雪裏我時移守古河東酒肉淋漓渾舍

喜而今憔悴一羸馬逆旅檐夫相汝爾

次公孔融禰衡為爾汝交老杜

醉時歌云忘形到爾汝

出城見我定驚嗟身健窮愁不須恥我為

乃翁留十日掣電一歡何足恃惟當火急作新詩

一醉兩翁勝酒美

正月一日雪中過淮謁客回作二首

十里清淮上長隄轉雪龍冰崖落屐齒次公屐齒以狀冰崖上之稟謝

靈運著屐看山上山則去前齒下山則去後齒風葉亂裴茸次公左傳狐裘蒙茸一國三公萬頃穿銀

海次公銀海以狀水也先生雪詩云光搖銀海眩生花乃用道書眼為銀海耳千尋度玉峰從來脩

月手緬西陽雜俎云鄭仁本與其中表游山迷路見一人枕一僕而坐因問之云君知月七寶合成乎常有八萬三千戶脩之我其一也

因開襟示之有斧斤數事玉屑合在廣寒宮原上十洲記冬至月伏廣寒之宮養魄于廣寒之地

地

攢眉有底恨得句不妨清霽霧開寒谷饑雅舞雪

城橋聲春市散塔影莫淮平又公塔影指僧伽塔也不用殘燈燭

船窗夜自明

淮上早發曹夢良洞天福地記淮瀆源出南陽桐柏山在唐州桐柏縣龍庭

澹月傾雲曉角哀小風吹水碧鱗開此生定向江

湖老默數淮中十往來

行宿泗間見徐州張天驥次舊韻

三年三躡過淮舟款段還逢馬少游續後漢馬援弟少游嘗謂曰乘下澤

車騎款段馬使鄉里稱善人足矣無事不妨長好飲厚史記陳軫謂犀首曰公何好飲也曰無事也著

書自要見窮愁續史記虞卿傳虞卿非窮愁亦不能著書以自見於世云孤松早偃元

非病居實酉陽雜俎世傳松千歲方傾平偃蓋然有數年輒偃但於根下遇石則偃耳又劉禹錫偃松詩引云侍中後閣前有小松不待

年而偃丁鎮叔遜齋閒覽云蘇伯才云凡欲偃松不難栽時當去松中大根唯留四旁須根則無不偃倦鳥歸還豈是

休

宋援淵明歸去來辭鳥倦飛而知還

更欲河邊幾來往祇今霜雪已蒙

頭

臨城道中作

并序

予初赴中山連日風埃未嘗了了見太行也今將
適嶺表頗以是為恨過臨城內丘天氣忽清徹西
望太行草木可數岡巒北走崖谷秀傑忽悟歎曰
吾南遷其速返乎退之衡山之祥也書以付邁使
志之

張器先案年譜紹聖元年先生年五十九知定州就任降知英州未到任再貶惠州安置

逐客何曾著眼看太行千里送征鞍未應愚谷能

留柳

續柳子厚謫居永州名其溪曰愚溪谷曰愚谷

可獨衡山解識韓

援退之謁衡岳廟詩我來正逢

秋雨節陰氣晦昧無清風潛心默禱若有應豈非

過湯陰市得豌豆大麥粥示三兒子一首

朔野方赤地

張安國吳興雜錄載諺云春雨甲子地赤千里

河壩但黃塵秋霖暗

豆莢夏旱臞麥人

厚本草蕎麥取人作飯食之下氣蓋麥之心曰人

逆旅唱晨粥行

庖得時珍青斑照匕箸脆響鳴牙齧玉食謝故吏

次公前漢陳咸傳咸奢侈玉食

風餐便逐臣

厚選鮑明遠詩風餐委松宿杜詩風餐兼露宿

漂零竟何

適浩蕩寄此身爭勸加飲食

次公古詩上言加餐飯下言長相憶

實無負吏

民何當萬里客歸及三年新

次公左傳成十年曰不食新矣杜預注言公不得食新麥

過高郵寄孫君孚

過淮風氣清一洗塵埃容水木漸幽茂菰蒲雜游

龍

次公詩隰有游龍注云游龍紅艸也以其放縱枝葉故謂之游龍

可憐夜合花

厚本艸云合歡即夜合也人家

多植於庭際間葉似阜角槐等極細而繇密

青枝散紅茸美人游不歸一笑當

誰供故園在何處已偃手種松我行忽失路次公自傷其行

止蹭蹬如歸夢山千重聞君有負郭二頃收橫從續史記蘇

秦曰使我有洛陽負郭田二頃吾豈能佩六國相印乎次公詩橫從其畝從讀如蹤卷野畢秋穫殷牀聞

夜春厚杜詩梵放時出寺鐘殘猶殷牀樂哉何所憂杜酒粥面醲宦游

豈不好毋令到千鍾

六月七日泊金陵阻風得鍾山泉公書寄

詩為謝

今日江頭天色惡礮車雲起風欲作厚國史補暴風獨之後有礮車雲

望鍾山喚寶公林間白堦如孤鶴寶公骨冷喚不

聞却有老泉來喚人電眸虎齒霹靂舌次公王戎眼爛爛如嵩下電集

仙錄載王母虎齒善嘯韓退之竟書見云古作虎年聲飛為予吹散千峰雪南行萬里

可何事一酌曹溪知水味場在韶州南華寺他年若畫

蔣山圖次公蔣山即鍾山也為作泉公喚居士

慈湖峽阻風五首

捍索桅竿立嘯空次公桅竿兩邊索謂之捍索此江湖間常語也篙師酣寢浪花

中故應管蒯知心腹厚左傳云雖有絲麻無奔管蒯弱纜能爭萬里風

此生歸路愈茫然無數青山水拍天居實退之詩海氣昏昏水拍天猶

有小船來賣餅喜聞墟落在山前

我行都是退之詩真有人家水半扉續退之宿曾江口詩云莫宿投民邨

高處水半扉千頃桑麻在船底空餘石髮挂魚衣厚爾雅釋草篇潭石

衣注水苔也一名石髮江東食之

日輪亭午汗珠融厚太平御覽曰在午曰亭午誰識南訛長養功續書

平秩南訛注訛化也

暴雨過雲聊一快未妨明月却當空

厚梅聖俞詩須

史斷滅不復見唯

有明月常當空
臥看落月橫千丈起喚清風得半帆

次公喚清風是江湖間舟子之常事

彼中舟子善相風舟行則呼風以飽帆也

且並水邨欹側過

厚杜詩巴童蕩漿欹側過

人間何處

不巉巖

八月七月初入贛過惶恐灘

七千里外二毛人

厚潘安仁秋興賦余春秋二十有二始見二毛

十八灘頭一葉

身山憶喜歡勞遠夢

蜀道有錯喜歡鋪在大散關上

地名惶恐泣孤臣

長風送客添帆腹積雨浮舟減石鱗

次公帆以其受風故云腹水在石上

流其波如魚鱗故曰石鱗

便合與官充水手此生何止略知津

過大庾嶺

一念失垢汙身心涸清淨浩然天地間惟我獨也

正續莊子受命于天惟舜獨也正今日嶺上行身世永相忘居實白樂天詩可憐身與世從

此兩相忘仙人拊我頂結髮受長生次公此二聯乃李白流夜郎贈韋太守詩全語先生用此蓋有所感也

宿建封寺曉登盡善亭望韶石三首厚郡國志韶州

有韶石者舜登此奏韶樂焉

雙闕浮光照短亭次公地載韶石云兩相峙如闕也至今猿鳥歎青熒

趙若拙劉夢得九華山歌云軒皇封禪登雲亭大禹會稽臨東溟乘櫟不來廣樂絕獨與猿鳥愁青熒君王自此西

巡狩續尚書舜典八月西巡狩至于西岳次公西巡狩之意以地理考之韶州在南之東而岳州洞庭在韶州之西也再使

魚龍舞洞庭次公莊子言黃帝張咸池之樂於洞庭之野而魚龍舞焉崔肅之案山海經云洞庭地穴在長沙巴陵湖

水廣員五百里日月若出沒其中

宋東坡詩集注卷二

蜀人文賦楚人辭堯在崇山舜九疑厚司馬相如大人賦歷唐堯於崇山

兮過虞舜於九疑注云崇山狄山也又海外經云狄山帝堯葬於其陽九疑山在零陵營道縣舜所葬也聖主若非真得

道南來萬里亦何為次公崇山九疑皆在南方

嶺海東南月窟西厚揚雄長楊賦西功成天已錫玄圭厚孫綽天台山賦云玄聖

續書禹錫玄圭告厥成功此方定是神仙宅厚孫綽天台山賦云玄聖之所游化靈仙之所窟宅禹亦

東來隱會稽援史記禹巡狩至于會稽而崩

舟行至清遠縣見顧秀才極談惠州風物

之美

到處聚觀香案吏厚唐史若仗在紫宸內閣則起居舍人夾香案分立殿下次公元微之詩云我是玉皇香

吏此邦宜著玉堂仙次公翰林院公廳謂之玉堂李肇翰林志云時居翰苑堂止於登瀛洲哉亦曰登玉

署玉江雲漠漠桂花溼梅雨脩脩荔子然厚周處風土記夏至之雨名為

兩聞道黃柑常抵鵲（續）此鵲言之山不容朱橘更論

錢（次公）杜詩朱橘不論錢恰從神武來弘景（援）陶弘景脫朝服挂神武門上書辭祿便向羅

浮覓稚川（續）晉書葛洪字稚川聞交趾出丹砂求為句漏令子姪俱至刺史鄧嶽留不聽去洪乃止羅浮山

發廣州

朝市日已遠此身良自如三杯軟飽後（浙人謂飲酒為軟飽）一枕

黑甜餘（俗謂睡為黑甜）蒲澗疎鐘外黃灣落木初（厚）退之南海神廟碑云在廣州

治之東南道八十里天涯未覺遠處處各樵漁（扶胥之口黃木之灣）

十月二日初到惠州（干朋）案年譜實紹聖元年十月三日也

彷彿曾遊豈夢中欣然雞犬識新豐（續）西京雜記高祖既作新豐并移舊

社衢巷棟宇物色惟舊男女老幼相攜路首各知其室放犬羊雞鴨於通衢亦競識其家吏民驚怪坐何事

父老相攜迎此翁蘇武豈知還漠北管寧自欲老

古詩卷七

蘇軾詩集卷一

甘伯

遼東

援三國志管寧北海朱虛人方天下大亂寧聞公孫令行於海外遂與邴原王烈等避亂于遼東遂不復徙

嶺南萬

戶皆春色

嶺南萬戶酒

會有幽人客寓公

次公禮記諸侯不臣寓公蓋言公爵而寄寓者

也

吾謫海南子由雷州被命即行了不相知

至梧乃聞其尚在藤也旦夕當追及作詩

示之

吳憲案年譜紹聖四年丁丑先生年六十二在惠州五月再責瓊州別駕昌化軍安置即儋州也是歲子由亦

貶雷州五月相遇於藤同行至雷六月相別渡海七月十三日至貶所

九疑聯縣屬衡湘

厚李太白遠別離云九疑聯縣皆相似薛士昭九疑山圖記道州寧遠縣南六十里有九

疑山山有九峰一曰蕭韶二曰女英三曰石城四曰城皇五曰朱明六曰桂林七曰華蓋八曰巴林九曰石樓周回百餘里其形相似見者疑之故

疑

蒼梧獨在天一方孤城吹角煙樹裏落月未落

工蒼茫幽人撫枕坐歎息

厚古樂府白紵歌愁來夜遲

我行

忽至舜所藏云舜葬於此記曰葬者藏也江邊父老能說子

白須紅頰如君長莫嫌瓊雷隔雲海聖恩尚許遙

相望厚文選古詩兩宮遙相望雙闕百餘尺平生學道真實意豈與窮達

俱存亡天其以我為箕子續今之高麗古箕子之國也要使此意留

要荒厚蠻夷要服戎狄荒服他年誰作輿地志厚唐藝文志顧野王有輿地志三十卷海

南萬里真吾鄉

行瓊儋間肩輿坐睡夢中得句云千山動

鱗甲萬谷酣笙鐘覺而遇清風急雨戲作

此數句

四州環一島次公四州言瓊崖儋萬也賈捐之傳云朱崖儋耳郡皆在南方海中洲居百洞蟠其中

我行西北隅如度月半弓登高望中原但見積水

空此生當安歸

續晉書謝安嘗與孫綽等泛海風起浪湧諸人皆懼安吟笑自若風轉急安徐曰如此將安歸耶

四顧真途窮

援晉書阮籍率意獨駕不由逕路車跡所窮輒慟哭而返

眇觀大瀛海援史

記孟軻傳鄒衍言中國名曰赤縣神州乃有大瀛海環其外

坐詠譚天翁

援史記齊人頌曰談天衍

區區魏

中梁

援莊子雜篇則陽通達之中有魏於魏中有梁於梁中有王

一米誰雌雄

次公莊子北海若之辭云計中

國之在海內不似稊米之在太倉乎

幽懷忽破散永嘯來天風千山動

甲萬谷

酣笙鐘安知非羣仙鈞天宴未終

援史記趙簡子寤語

大夫曰我之帝所其樂與百神游于鈞天廣樂九奏萬舞不類三代之樂

喜我歸有期舉酒屬青

童

次公青童神仙童童君也

急雨豈無意催詩走羣龍

次公杜詩片雲頭上黑應是雨

催詩夢雲忽變色笑電亦改容

次公神異傳玉女投壺天為之笑則電故謂之笑電

應

怪東坡老顏衰語徒工久矣此妙聲不聞蓬萊宮

次前韻與子由

我少則多難適厄一生中百年不易滿援李白短歌行百年苦易滿

寸寸變疆強老矣復何言榮辱今兩空泥丸尚一

路古語云十方薄伽梵一路涅槃門援此本出楞嚴經之語又隋書經籍志佛老二月十五日入涅槃涅槃一曰泥丸所向餘皆

窮化聞崆峒西仇池迎此翁次公崆峒虔州山也其西乃歸蜀之路仇池在同谷縣是洞天

之地先生嘗夢游之有胡為適南海復駕垂天雄次公莊子大鵬翼垂天之

雲李太白鵬賦下視九萬里浩浩皆積風次公莊子言鵬搏風九萬里而上

回望古合州屬此琉璃鍾援李賀將進酒琉璃鍾琥珀濃別離何足道

我生豈有終渡海十年歸方鏡照兩童次公童即瞳也項羽贊云舜重

童子項羽又重童子丁惠安西京雜記漢高祖入咸陽獲方鏡廣四尺許

表裏有明人直來照之影則倒見以手掩心即見五臟有病則知所在

還鄉亦何有暫假壺公龍援後漢費長房辭壺公歸公與一竹杖曰騎此竹所之則自至矣長

房乘杖須臾而歸以杖投葛陂中即化為龍矣蛾眉向我笑錦水為君容援水經云錦江織錦

則濯之江流而錦至鮮明濯以天人巧相勝援史記申包胥曰人衆他江則錦色弱矣遂命為錦里者勝天天定亦能勝人不獨數子工指點昔游處蒿萊生故宮

澄邁驛通潮閣二首

倦客愁聞歸路遙眼明飛閣俯長橋貪看白鷺橫

秋浦不覺青林沒晚潮干明冷齋夜話云余游儋耳登望海亭柱間有擘窠大字曰貪看白鳥橫秋浦

不覺青林沒莫潮

餘生欲老海南邨帝遣巫陽招我魂緡宋玉為屈原作招魂辭其中曰帝

告巫陽曰有人在下我欲輔之魂魄離散汝筮予之葉思文王逸楚辭章句曰帝謂天帝也女曰巫陽案山海經開明東巫彭巫陽巫凡皆神醫也

杳杳天低鵲沒處青山一髮是中原

九月二十日夜渡海

參橫斗轉欲三更居實黃子建善哉行同受交黃子建善哉行苦雨終風也解晴

冰曰秋無苦雨詩有終風篇雲散月明詎黑綬子夜坐于時月色

明淨歎以為佳謝重曰意謂不如微雲點綴道子曰卿居心不淨乃欲滓穢太清邪天容海色本澄清公次

楞嚴經云譬如澄清百千大海空餘魯叟乘桴意粗識軒轅奏樂聲黃

帝張樂於洞庭野九死南荒吾不恨次公楚辭離騷經亦余心之所善兮雖九死其猶未悔茲游

奇絕冠平生

自雷適廉宿於興廉邨淨行院

荒涼海南北佛舍如雞栖次公借用朱伯厚之車如雞栖者也忽此榕林中

居實嶺表錄異榕樹葉如冬青秋不凋跨空飛拱枅當門列碧井洗我兩

足泥高堂磨新塼洞戶分角圭次公退之詩磨淬出角圭倒牀便甘

寢鼻息如虹霓僮僕不肯去我為半日稽晨登一

葉舟醉兀十里溪醒來知何處歸路老更迷

藤州江上夜起對月贈邵道士

十朋案先生送邵道人彥肅還

都嶠詩即此人

江月照我心江水洗我肝端如徑寸珠隨此白玉

盤任李白詩小時不識月呼作白玉盤我心本如此月滿江不湍起舞者

誰歟莫作三人看援李白詩舉杯邀明月對影成三人嶠南瘴癘地有此

江月寒乃知天壤間何人不清安牀頭有白酒盞

若白露漙次公詩零露漙漙獨醉還獨醒夜氣清漫漫次公史記鄒陽

傳應劭注載甯戚歌曰長夜漫漫何時旦仍呼邵道士取琴月下彈相將乘一

葉夜下蒼梧灘

將至廣州用過韻寄邁迨二子

皇天遣出家臨老乃學道北歸為兒子破戒堪一

笑挾雲長天眼然若披雲霧而睹青天回首失海潦蠻

唱與黎歌餘音猶杳杳大兒牧衆穉四歲守孤嶠

次子病學醫三折乃粗曉左傳齊高彊曰三折肱知為良醫小兒耕且養

援前漢藝文志古之學者耕且養三年而通一藝得暇為書繞我亦因詩酒去道

愈茫渺紛紛何時定所至皆可老莫學柳儀曹次公

職林魏有儀曹郎唐改為禮柳子厚唐貞元中為禮部員外郎貶永州司馬徙柳州刺史詩書教蠻獠次公退之為子

厚墓志云衡湘以南為進士者皆以子厚為師其經承子厚口講指畫為文詞者悉有法度又為碑云柳侯為州不鄙夷其民動以禮法云亦

莫事登陟次公子厚在永州有西山而下八記其溪山有何好

安居與我游閉戶淨灑埽

予昔過嶺而南題詩龍泉鐘上今復過而

北次前韻即前過大庾嶺詩

秋風卷黃落

次公月令季冬之月草木黃落漢武帝秋風辭云草木黃落兮鴈南飛

朝雨洗綠淨

次公退之詩瞰臨眇空闊綠淨不可唾

人貪歸路好節近中原正下嶺獨徐

行艱嶮未敢忘遙知叔孫子已致魯諸生

續前漢叔孫通為博士說上曰臣願徵魯諸生與臣弟子共起朝儀於是招魯諸生三十餘人其所不能致者二人次公此言建中靖國間新天子即位必定新禮儀

過嶺二首

暫著南冠不到頭

續楚鍾儀為囚於晉他日晉侯見之曰南冠而縶者君子也與之琴操南音遂釋之使歸厚柳

却歸休為著南冠到頭却隨北鴈與歸休

援月令季冬之月鴈北向平生不

作兔三窟

續晉書王衍為宰輔以弟澄為荊州族弟敢為青州曰荊州有江漢之固青州有輔海之險卿二人在外吾留此足

以為三窟識者鄙之次公戰國策馮驩謂孟嘗君曰狡兔有三窟冀得免死身

今古何殊貉一丘

援前漢楊惲曰

秦時但任小臣竟以滅亡令親任大臣即至今耳古與今如一丘之貉

當日無人送臨賀

次公唐書楊惲貶臨

賀尉友親無敢送者獨徐晦至藍田慰餞宰相權德輿稱之

至今有廟

不漳州之立廟先生嘗為作記也 劍驛西望七千里乘興

真為玉局游

汪養源案天師二十四化記玉局在益州城南門西四百步漢桓帝永壽元年正月七日天師與老君自鶴鳴

山來息此化時地上忽湧出玉局玉牀方廣一丈老君升座重述道要却自升天玉局陷入地中

七年來往我何堪

胡邦衡案年譜公以紹聖元年自定州貶惠州凡四年再貶儋耳明年改元元符至三年乃量

移廉州凡七年

又試曹溪一勺甘夢裏似曾遷海外醉中不

覺到江南

次公江南則虔州也

波生濯足鳴空澗霧繞征衣滴

翠嵐誰遣山雞忽驚起半崑花雨落毵毹

初發嘉州

行嘉祐己亥冬先生與子由侍老泉舟行適楚

初發鼓闐闐西風獵畫旂故鄉飄已遠往意浩無

邊錦水細不見蠻江清更鮮奔騰過佛脚曠蕩造

平川

林子仁錦水岷江也蠻江陽山與青衣江也三江合流于嘉州城東南過九頂山凌雲寺大像閣而下

野市有禪

客釣臺尋莫煙相期定先到久立水潺潺

期鄉僧宗一會別釣

魚臺

下

過空賓見夷中亂山

居實嘉祐四年作

紀云清而未厚峭而未堅火候未足時雖東坡天者不能強造也。起六句言景自好。樣秀句不成句。收入俗徑。鶴崇云孤冷峻峭具垂此鑿險之能。

紀云喜日售三字凌安識句率樂且久三字趁韻。

江寒晴不知遠見山上日朦朧含高峰晃蕩射峭壁橫雲忽飄散翠樹紛歷歷行人挹孤光飛鳥投遠碧蠻荒誰復愛穠秀安可適豈無避世士高隱鍊精魄誰能從之游路有豺虎跡

夜泊牛口

查云按元方與孫覽在叙州宣化縣南寺人登社於此飲酒歡樂遂移以樂為宇故名向來諸刻本俱作寺中今據此改定。

日落江霧生繫舟宿牛口民居偶相聚三四依古

柳負薪出深谷見客喜且售煮蔬為夜餐安識肉

與酒朔風吹茆屋破壁見星斗兒女自咿嚶亦足

懷士報難中骨丸

紀云後半全是俗徑凡
游眺山水之詩此意極筆
便矣切宜避之

紀云起句極佳以下殊
乏鍊鍊

紀云滿字懸脚

導且久人生本無事苦爲世味誘富貴耀吾前貧
賤獨難守誰知深山子甘與麋鹿友置身落蠻荒
生意不自陋今予獨何者汲汲彊奔走

牛口見月

居實時嘉祐元年始
舉進士至京師作

掩窗寂已睡月脚垂孤光披衣起周覽飛露灑我
裳山川同一色浩若涉大荒幽懷耿不寐四顧獨
彷徨忽憶丙申年子仁時先生
舉進士在京京邑大雨霂蔡河中夜
決橫浸國南方車馬無復見紛紛操棧郎新秋忽
已晴九陌尚汪洋龍津觀夜市燈火亦煌煌新月
皎如畫疎星弄寒芒不知京國喧謂是江湖鄉今
來牛口渚見月重淒涼却思舊游處滿陌沙塵黃

紀云順掌書出有揮洒
自六之文

紀云對穉人之穉陋言
之故曰玉顏然二字究
是強押

戎州

亂山圍古郡。市易帶羣蠻。瘦嶺春耕少。孤城夜漏
閒。往時邊有警。征馬去無還。自頃方從化。年來亦
款關。頗能貪漢布。但未脫金環。何足爭彊弱。吾民
盡玉顏。

泊南牛口期任遵聖長官到晚不及見復
來

江上有微徑。深榛煙雨埋。崎嶇欲取別。不見又重
來。下馬未及語。顧已慰長懷。江湖涉浩渺。安得與
之偕。

紀云刻意鍛鍊。語皆警。
峭氣局心實。然有餘。餘
派句提括得好。二句亦不
不偏。
鶴柴只用險韵作長律。其
其意之所出。氣稱雄長。

紀云。側道蜀。有忙中忽
掉。一。波。筆墨間。逸之至。

自昔懷清賞。今茲得縱探。長江連楚蜀。萬派瀉東
南。合水來如電。黔波綠似藍。餘流細不數。遠勢競
相參。入峽初無路。連山忽似龕。縈紆收浩渺。蹙縮
作淵潭。風過如呼吸。雲生似吐含。墜崖鳴宰宰。垂
蔓綠參參。冷翠多崖竹。孤生有石楠。飛泉飄亂雪。
怪石走驚驂。絕澗知深淺。樵僮忽兩三。人煙偶逢
郭。沙岸可乘籃。野戍荒州縣。邦君古子男。放衙鳴
晚鼓。留客薦霜柑。聞道黃精艸。叢生綠玉簪。盡應
充食飲。不見有彭聃。氣候冬猶煖。星河夜半涵。遺
民悲昶行。此孟昶從舊俗接魚鱉。續鱉叢魚鳧板屋漫無
瓦。巖居窄似菴。伐薪嘗冒險。得米不盈甔。歎息生

去浪三字。紀之不雅

紀玄緒念常意而忽傷
一鳥生波即消咏嘆淫
佚意味深長故訪家
者爭用筆

鶴紫云陰境費以終
辭須看其意是閒暇
蕭散實

何陋劬勞不自慙。葉舟輕遠泝大浪。固嘗諳矍鑠。
空相視。嘔啞莫與談。蠻荒安可駐。幽邃信難耽。獨
愛孤棲鶻。高超百尺嵐。橫飛應自得。遠颺似無貪。
墜翮游霄漢。無心顧雀鷗。塵勞世方病。局束我何
堪。盡解林泉好。多爲富貴酣。試看飛鳥樂。高遁此
心甘。

出峽

入峽喜巉巖。出峽愛平曠。吾心澹無累。過境即安
暢。東西徑千里。勝處頗屢訪。幽尋遠無厭。高絕每
先上。前詩尚遺略。不錄久恐忘。憶從巫廟回。中路
寒泉漲。汲歸真可愛。翠碧光滿盞。忽驚巫峽尾。巖

月不空明似見天蒼蒼石室開南轡宣尼古廟宇
叢木作幃帳鐵楯橫半空俯瞰不計丈古人誰架
構下有不測浪石竇見天困瓦棺悲古葬新灘阻
風雪邨落去攜杖亦到龍馬溪茆屋沽邨釀玉虛
悔不至實爲舟人誑聞道石竇奇寤寐見怪狀峽
山富奇偉得一知幾喪苦恨不知名歷歷但想像
今朝脫重險楚水渺平蕩魚多客庖足風順行意
王追思偶成篇聊助舟人唱

荊州十首

子仁康子正月先生與子
由侍老泉自荊州遊大梁

游人出三峽楚地盡平川北客隨南賈吳檣問蜀
船江侵平野斷風卷白沙旋欲問興亡意重城自

古堅

南方舊戰國慘澹意猶存慷慨因劉表淒涼爲屈原廢城猶帶井古姓聚成邨亦解觀形勝昇平不敢論

楚地闊無邊蒼茫萬頃連耕牛未嘗汗投種去如捐農事誰當勸民愚亦可憐平生事游惰那得怨凶年

朱檻城東角高王此望沙江山非一國烽火畏三巴戰骨淪秋草危樓倚斷霞百年豪傑盡擾擾見魚鰕

沙頭煙漠漠來往厭喧卑野市分塵障鬧官帆過渡

遠道人多問一侯吏盡擢龜日莫江天靜無人唱
楚辭

太守王夫子山東老俊髦壯年聞猛烈白首更雄
豪食鴈君應厭驅車我正勞中書有安石慎勿賦

離騷

子仁指時相有如謝安則王守不當如屈原放逐而作離騷也

殘臘多風雪荆人重歲時客心何草草里巷自嬉
嬉爆竹驚鄰鬼驅儺聚小兒

子仁爆竹見荆楚歲時記驅儺見月令皆殘歲事

故人

應念我相望各天涯

江水深成窟潛魚大似犀赤鱗如琥珀老枕勝玻
璆上客舉雕俎佳人搖翠篴登庖更作器何以免
屠割

北鴈來南國依依似旅人縱橫遭折翼感惻爲霑
巾平日誰能挹高飛不可馴故人持贈我三疊若
爲珍

柳門京國道驅馬及春陽野火燒枯艸東風動綠
芒北行連許鄧南去極衡湘楚境橫天下懷王信

弱王

高丁勉身
竹枝歌注

涖陽早發

富貴本無定世人自榮枯踴躍好名心嗟我豈獨
無不能便退縮但使進少徐我行念西國已分田
園蕪南來竟何事碌碌隨商車自進苟無補乃是
懶且愚人生重意氣出處夫豈徒永懷江陽叟種

清君清池
指眉州也

白塔鋪歇馬

甘山廬阜鬱相望林隙熹微漏日光
吳國晚蠶初斷葉占城早稻欲移秧
迢迢澗水隨人急苒苒巖花撲馬香
晚眼儘窮千里遠白雲深處是吾鄉

壽陽岸下絕句

街東街西翠帷成池南池北綠錢生
幽人獨來帶殘雨聞得黃鸝第一聲

過范縣訪德孫

漸覺東風料峭寒青蒿黃韭試春盤
遙想慶州千嶂裏暮雲衰艸雪漫漫

初貶英州贈馬夢得

萬古仇池穴歸心負雪堂殷勤竹裏夢猶自數山

王

夜雨宿淨行院

芒屨不踏利名場一葉虛舟寄渺茫林下對牀聽

夜雨靜無燈火照淒涼

一作僧房

過海得子由書

經過廢來久有弟忽相求戶外三竿日江關一葉
秋蕭疎悲白髮漫浪散窮愁世事江聲外吾生幸
且休

金山夢中作

烈一本作熟字
宜從

鶴聲云刻刻山水
謝公而去其林

江東買客才彫衰
多木縣土人競植之采其化為布
會散金山
月滿樓夜半潮來風又烈
臥吹簫筦到揚州
子仁唐漢中王
瑪素知音嘗過永興里聞太常工
吹笛他日識之謂曰何故臥吹笛

十二月二日將至渦口五里所遇風留宿

長淮久無風放意弄清快今朝雪浪滿始覺平野

隘兩山控吾前吞吐久不罷
師尹取楚快切一舉盡變曲禮曰無嘔炙
孤舟繫

桑柘
子仁咸三年齊高固入晉師桀石以投人禽之而乘其車繫桑本焉
終夜舞澎湃舟人更

傳呼弱纜恃管蒯
孫倬左傳成公九年雖有絲麻無弃管蒯
平生傲憂患久已

恬百怪鬼神欺吾窮戲我留一噫
次公莊子云大塊噫氣其名為風
鉞中

尚有酒信命誰能戒

發洪澤中塗遇大風復還

風浪忽如此吾行欲安歸

續謝安與孫綽泛海風起浪湧諸人竝懼安吟嘯自若曰如此將何

歸邪舟人承言即迴衆服其雅量

挂帆却西邁此計未爲非洪澤三十

里安流去如飛

字仁李白詩巴水急如箭巴船去如飛

居民見我還勞問亦

依依攜酒就船賣此意厚莫違醒來夜已半岸木

聲向微明日淮陰市白魚能許肥

次公白魚惟淮楚有之杜甫詩白魚如切玉又

曰溪友得錢留白魚

我行無南北適意乃所祈何勞弄澎湃終

夜搖窗扉妻孥莫憂色更典篋中衣

十月六日記所見

風高月暗水雲黃淮陰夜發朝山陽山陽曉霧如

細雨炯炯初日寒無光雲收霧卷已停午有風北

來寒欲僵忽驚飛電穿戶牖迅駛不復容遮防市

人顛沛百賈亂疾雷一聲如頽牆使君來呼晚置
酒坐定已復日照廊愧疑所見皆夢寐百種變怪
旋消亡共言蛟龍厭舊穴魚鼈隨徙空陂塘愚儒
無知守章句論說黑白推何祥續前漢五行志言金失性則有白青白科水失性則有黑青惟有主人言可用天寒欲雪飲此觴黑祥

大風留金山兩日

塔上

鈴獨自語

援石勒死之年天靜無風而塔上一鈴獨鳴佛圖澄曰國有大喪不出今年矣既而石勒果死

明日

顛風當斷渡

續杜詩晚來急雨春風顛

朝來白浪打蒼崖倒射

軒窗

作飛雨龍驤萬斛不敢過

次公龍驤大舟也

漁艇一葉

從掀舞

細思城市有底忙却笑蛟龍爲誰怒無事

久留童僕怪此風聊得妻孥許瀟山道人獨何事

鶴紫之宛是物語律

五百
趙堯卿參寥號潛山道人葉飛卿案同安志潛山半夜不眠聽粥
方三百里又陶隱居云潛山在潛縣潛與潛同

出潁口初見淮山是日至壽州

我行日夜向江海。楓葉蘆花秋興長。平淮忽迷天
遠近。青山久與船低昂。壽州已見白石埭。短櫂未
轉黃茆岡。波平風軟望不到。故人久立煙蒼茫。師

杜子美詩獨立
蒼茫自詠詩

湯邨開運鹽河雨中督役

李堯祖案圖經仁和縣
湯邨鎮市在安仁東鄉

去縣四十一里而都鹽倉在天宗門裏徐特晦案國史先
生本傳云開西湖疏茆山鹽橋河修治堰閘與民興利除

害講究甚悉郡人
德之為立祠堂云

居官不任事蕭散羨長卿胡不歸去來滯留媿淵

明陶淵明賦歸去來解印去彭澤太史公滯留周南 監事星火急

誰能卹農耕

子仁諷開此河不當又妨農事也

薨薨曉鼓動萬指羅溝

坑天雨助官政泫然淋衣纓人如鴨與猪投泥相

濺驚下馬荒隄上四顧但湖泓線路不容足又與

牛羊爭歸田雖賤辱豈失泥中行寄語故山友慎

毋厭藜羹

厚莊子孔子於陳蔡之間七日不火食藜藿不糝

新灘阻風

北風吹寒江來自兩山口初聞如搖扇漸覺平沙

走飛雲滿巖谷舞雪穿窗牖灘下三日留識盡山

前叟孤舟倦鷗軋短纜困牽揉嘗聞不終日今此

獨何久

子仁老子飄風不終日

只應留遠人此意固亦厚吾今

幸無事閉戶爲飲酒

漢水

舍櫂忽逾月沙塵困遠行襄陽逢漢水偶似蜀江
清蜀江固浩蕩中有蛟與鯨漢水亦云廣欲涉安
敢輕文王化南國游女儼如卿洲中浣紗子環佩
鏘鏘鳴古風隨世變寒水空泠泠過之不敢慢佇
立整冠纓

初到黃州

堯卿先生以元豐二年自湖州守得罪爲黃州團練副使明年二月至黃州元豐三年詳見年

譜中

自笑平生爲口忙老來事業轉荒唐

次公李台假言韓昭曰韓八座事業

如折轂線無

長江遶郭知魚美好竹連山覺筍香逐客

不妨員外置賓錄載趙謙光答戶部員外郎趙沙詩曰惟嫌員外置

不應列詩人例作水曹郎天公王禹偁作孟賓于詩集序云古之詩人多求水部何遜張籍孟賓于是也

星文師尹公出詔獄責受檢校水部員外郎充黃州團練副使本州安置只慙無補絲毫事尚費官

家壓酒囊檢校官例折支多得退酒袋

柏家渡

柏家渡西日欲落青山上下猿鳥樂欲因新月望
吳雲遙看北斗挂南嶽一夢惛惛四十秋古人不
死終未休草舍蕭條誰與語香風欲過白蘋洲

吳江岸

曉色兼秋色蟬聲雜鳥聲壯懷銷鑠盡回首尚心
驚

黃河

活活何人見混茫。崑崙氣脈本來黃。濁流若解汙
清濟。驚浪應須動太行。帝假一源神禹跡。世流三
患梗堯鄉。靈查果有仙家事。試問青天路短長。

過泗上喜見張嘉父二首

眉間冰玉照淮明。筆下波瀾老欲平。直得全生如
許妙。不知形謀已多名。

空翠娛人意。自還明窗一榻共。秋閒會知名利不
到處。定把清觴屬此山。

儋耳

霹靂收威莫雨開。獨憑闌檻倚崔嵬。垂天雌霓雲

端下快意雄風海上來野老已歌豐歲語除書欲
放逐臣回殘年飽飯東坡老一壺能專萬事灰

再過泗上二首

眼明初見淮南樹十客相逢九吳語旅程已付夜
帆風客睡不妨背船雨黃柑紫蟹見江海紅稻白
魚飽兒女殷勤買酒謝殷師千里勞君勤轉櫓
繫舟淮北雨折軸繫舟淮南風斷橋客行有期日
月疾歲事欲晚霜雪驕山根浪頭作雷吼縮手敢
試舟師篙不用然犀照幽怪要須拔劍斬長蛟

過土山寨

南風日日縱篙撐時喜北風將我行湯餅一杯銀

線亂萋蒿數箸玉簪橫

過嶺寄子由二首

投章獻策謾多譚能雪冤忠死亦甘一片丹心天
日下數行清淚嶺雲南光榮歸佩呈嘉瑞瘴癘幽
居弄曉嵐從此西風庾梅謝却迎誰與馬穆穆
山林瘴霧老難堪歸去中原茶亦甘有命誰憐終
反北無心却笑亦巢南蠻音慣習疑僮語脾病縈
纏帶嶺嵐賴有祖師清淨水塵埃一洗落穆穆

侯灘

江邊皎皎過侯灘更上山腰看打盤百歲老兒親
擊鼓城中憂患不相干

蘇東坡詩集注卷第二

游覽上

游東西巖

〔公自注〕即謝安東山也〔程天祐〕案臨安縣圖記東永安巖西永安巖在縣北二十里即謝安東

山也〔孫彥忠〕韻語陽秋云安本傳謂安登台輔於土山游集今土山在建康建康事蹟云安石於此擬會稽之東山

亦號

東山

謝公含雅量

〔李厚〕謝安常與孫綽等汎海風起海湧諸人並懼安吟嘯自若衆咸服其雅量

世運屬艱

難况復情所鍾

〔程頤〕晉王衍曰太上忘情最下不及情然則情之所鍾正在我輩

感槩萃中

年正賴絲與竹陶寫有餘歡常恐兒輩覺坐令高

趣闌

〔厚〕王羲之傳謝安嘗謂羲之曰中年以來傷於哀樂與親友別輒作數日惡義之曰年在桑榆自然至此頃正賴絲竹陶寫常恐兒

輩覺損其歡樂之趣

獨攜縹緲人來上東西山

〔續〕安棲遲東山放情丘壑然性好音樂每游賞必以妓

從女放懷事物外徙倚弄雲泉一旦功業成管蔡復流

言慷慨桓野王哀歌和清彈挽須起流涕始知使

君賢

厚桓伊傳孝武末年會稽王道子及安壻王國寶以安功名盛極而構會之嫌隙遂成帝召伊飲燕安侍坐伊撫箏而歌怨詩曰為

君既不易為臣良獨難忠信事不顯乃有見疑患周曰佐文武金膝功不刊推心輔王政二叔反流言聲節慷慨俯仰可觀安泣下霑衿乃越席而就之挽其須曰使君於此不凡帝甚有媿色野王伊小字也意長日月促臥病已辛酸慟

哭西州門往駕乃復還

續安雖受朝寄然東山之志始末不渝欲須經略粗定自江道還東雅志未就

遂遇疾篤還都門當輿入西州門自以本志不遂深自慨失因悵然謂所親曰吾病殆不起乎安薨後其甥羊曇至西州門以策叩扉誦曹子建詩曰生存華屋處零落歸山丘因慟哭而去矣公西州門學者多未曉在江寧府以府有東府城城中有揚州解而揚州在府西故時人號為東府西州而東府城之西門謂之西州門見寰宇記又載緣會稽王道子第在東府城之東謝安薨以道子代領揚州州在第西故時人號為東府西州如此則西州之名在於安薨之後矣安本傳乃有安病輿入西州門之事則寰宇記所引輿地志不亦謬乎先生所用事止據本傳用謝安事而已今因與學者辨之空餘行樂處古木昏蒼煙

金山妙高臺

鶴崇云若先稱妙高之
勝而到稱赤松蓬萊以作
波瀾便是今言中其有
妙在於未入題之先破空
來透望參落攢圓之
託實上

我欲乘飛車

風吹奇肱車至於豫州湯破其車不以示民十年東風

至乃復作車遣歸之

東訪赤松子

續張良願棄人間事從赤松子游師古曰赤松子仙人號黃帝

時為蓬萊不可到

弱水三萬里

蓬萊方丈瀛洲諸仙人及不死

之藥皆在焉未至望之如雲及到三神山反居水下臨之患且至則風輒

引船而去終莫能至

援神仙傳謝自然汎海求蓬萊一道士謂曰蓬萊隔

弱水三萬里非

不如金山去

清風半帆耳中有妙高臺

飛仙不可到

次公妙高臺之名取華嚴經德

雲峰自孤起仰觀初無路誰

信平如砥

次公詩周

臺中老比丘碧眼照窗几師謂子

也

為骨凜凜霜入齒

機鋒不可觸

次公傳燈

交激若住

千偈如翻水

援韓詩文如翻水成次公

何須尋德

雲

三善知識而德雲比丘乃第一也

即此比丘是長生相

暇學請學長不死

次公長生謂學仙長不死謂佛不生不滅也

鬱孤臺

自注以下四首皆虔州

八境見圖畫鬱孤如舊游

次公八境者虔州有之人畫為圖先生嘗賦詩鬱孤乃其一也

山

為翠浪湧水作玉虹流日麗崆峒曉

次公崆峒在虔州西之極處

風

酣章貢秋

厚水經注劉登之曰贛縣東南有章水西有貢水縣治二水之間因以名焉

丹青未變葉

鱗甲欲生洲嵐氣昏晨樹灘聲入市樓煙雲侵嶺

路艸木半炎州故國千峰外高臺十日畱他年三

宿處

厚後漢裴楷言浮屠不三宿桑下

準擬繫歸舟

廉泉

水性故自清不濁或撓之君看此廉泉五色爛摩

尼

厚圓覺經云譬如清淨摩尼寶珠映於五色隨方各現

廉者謂我廉我以此名為

有廉則有貪有慧則有癡誰為柳宗元

厚柳子厚謫永州所居曰奚宅

鶴紫云有盡在人
盡在我能摩經言有
法門名字盡經此詩
所下

鶴紫多林詩崎此千
軒昂殆已觀覽富未
及此之國物也止諦覽
得後復幅但就馬祖
之事言之不更為山
水饒舌

之曰孰是吳隱之曰縱使夷齊飲終當不易心漁父足豈潔

許由耶何濞續高士傳堯讓天下於許由許由逃之而洗其耳於潁水紆然立名字此水

了不知毀譽有時盡不知無盡時規來廉泉上掬

須看鬢眉好在水中人到處相娛嬉次公先生汎潁詩云豈此水薄相與

我相
娛嬉

塵外亭

楚山澹無塵潁水清可厲散策塵外遊麾手謝此

世山高惜人力十步輒一憩却立浮雲端俯視萬

井麗幽人宴坐處龍虎為斬薙次公此下八句皆是馬祖事馬駒獨

何疑厚傳燈錄六祖謂南嶽曰向去佛法從汝邊去馬駒踏殺天下人厥後江西遂傳法廣布於天下時號馬祖豈隋山

鬼計夜垣非助我謬敬欲其逝次公馬祖始居此山山鬼為築垣自謂修行不至為

四百九十六

鬼所識乃舍去今先生詩語高馬祖一著也

戲留

轉語

厚傳燈錄同山直道本來無一物這裏合下得一轉語

千

載起攘袂

天竺寺

并引

予年十二先君自虔州歸謂予言近城山中天竺寺有樂天親書詩云一山門作兩山門兩寺元從一寺分東澗水流西澗水南山雲起北山雲前臺花發後臺見上界鐘清下界聞遙想吾師行道處天香桂子落紛紛筆勢奇逸墨迹如新今四十七年予來訪之則詩已亡有刻石存耳感涕不已而作是詩

香山居士留遺蹟

次公白樂天以刑部尚書致仕與香山曾如滿結香火社自稱香山居士

天竺禪

鶴紫云氣文冲漠白
神為徒小徑三句寫
洞未徑人道
清眼云東坡小徑二句
全類太白今印本訛作
自雷驚不但李意味
兼與上句重疊

師有故家空咏連珠吟疊壁珠三十年誰教冥路作詩仙已

亡飛鳥失驚蛇續懷素艸書如飛鳥出林驚蛇入草林深野桂寒無子雨

浥山薑病有花厚嶺表異錄山薑花葉即薑也根不堪食而葉閒吐花細如麥粒次公山薑木也按本草木一名

也山薑四十七年真一夢天涯流落淚橫斜

碧落洞自注在英州下十五里

槎牙亂峰合晃蕩絕壁橫遙知紫翠閒古來仙釋

并陽崖射朝日高處連玉京厚靈樞金景內經曰下離塵境上界玉京注云玉京無為之天

也蓋三十二帝之都玉京之下乃崑崙北都羅豐北帝三十六洞之所居處陰谷叩白月夢中遊化

城厚法華經有一道師以方便力化作一城於是衆人前入化城生已度想生安穩想果然石門開中有

銀河傾幽龕入窈窕別戶穿虛明泉流下珠琲乳

湔交纓纓我行畏人知恐為仙者迎小語輒響答

查之字、刻刻句、愛
伏雲煙解舍不、端倪

六百八

空山

自雷驚

任韋應物詩水性本亦靜石中固無聲如何兩相激雷轉空山驚

策杖歸去來

治具煩方平

厚神仙傳王方平降蔡經家須臾麻姑繼至再拜方平行厨具食皆金盤玉杯多諸花果芬香異常擘脯

食之云
是麋脯

白水山佛跡巖

自注羅浮之東麓也在惠州東北二十里○楊德志林云紹聖元年十月

十二日過遊白水佛跡院浴于湯池熱甚其源殆可熟物循山而東有懸水百仞八九折折處輒為潭水涯有巨人

跡數十所謂佛跡也

何人守蓬萊夜半失左股

次公惠州浮山據地理志云自會稽來今浮山上猶有東方朔木易

明夷云夷于左股

浮山若鵬蹲

厚陳文惠公羅浮山案本記山高三千六百丈周回三百二十里然羅山一也浮山

即蓬萊之別島也堯時洪水浮至依羅而止故有羅浮之號焉

忽展垂天翼

其翼若垂天之雲

株互連絡

次公翻用列子言海中五山之根無所連著也

崖巘爭吞吐神工自爐

韓融液相綴補至今餘隙罅流出千斛乳方其欲

鶴紫玄雙溪二句造境
奇特前八句探山記元
接而力佛迹三言跌宕
取勢以跌落大佛來步
武一句後記浴於湯池
從飢蛟渴席之中參
以醉後睜足二語急
然動魄驚心自然掉
臂徐步羅浮以風雨
落辭合此神筆莫

合時天匠麾月斧

援西陽雜記有人游山失道遇一人持斧出

二千戶修之我其一也
開襪有玉斤斧數事

帝觴分餘瀝山骨醉後土

次公石鼎聯句云巧匠琢

骨峰巒尚開闔澗谷猶呼舞海風吹未凝古佛來

布武

續禮記堂下布武

當時汪罔氏

續家語孔子曰汪罔氏之君守封
惴之山者為漆姓在虞夏商為汪

罔氏於周為長翟氏今日大人次公汪罔氏即防風氏也禹戮之其骨專車

投足不蓋押青蓮雖不

見千古落花雨

厚楞嚴經即時天雨百寶蓮花青黃赤白間錯紛揉

雙溪匯九折萬

馬騰一鼓濟雷濺玉雪潭洞開水府潛鱗有饑蛟

掉尾取渴虎我來放醉後濯足聊戲侮回風卷飛

雷掠面過彊弩山靈莫惡劇微命安足睹此山吾

欲老慎勿厭求取溪流變春酒

次公李白襄陽歌此江若變作春酒壘麴便築糟丘

與我相賓主當連青竹竿下灌黃精圃

厚杜甫泉眼詩何當

傳其物

唐子西望餘東坡

有學而有潛蛟人未之

信也席飲水其上蛟尾

而食之餓而隱骨水上

人方知之東坡以十字

說盡席著渴字便知

席以飲水而台矣言飢

則知飲食其因矣

則知飲食其因矣

五百六十六

宅下流餘潤通藥圃三

春濕黃精一食生毛羽

遊三游洞

凍雨霏霏半成雪游人屢冷蒼崖滑不辭攜被巖
底眠洞口雲深夜無月

游洞之日有亭吏乞詩既為留三絕句於

洞之石壁明日至峽州吏又至意若未足

乃復以此授之

子仁三絕句老泉及東坡子由各一也
案南行集老泉詩云洞門蒼石流成乳
山下寒溪冷欲冰天寒二子苦求去我欲居之亦不能子
由詩云昔年有遷客攜手過嵌巖去我歲已百游人忽復三

一徑遶山翠縈紆去似蛇忽驚溪水急爭看洞門

呀滑磴攀秋蔓飛橋踏古查三扉迎北吹一穴向

西斜歎息煙雲老追思歲月遐唐人昔未到古俗

此爲家

洞暖無風雪山深富鹿狴相逢衣盡草環坐髻應
髻竈突依崑黑尊壘就石窪鴻荒無傳記想像在
義媧此事今安有遺蹤我獨嗟山翁勸留句彊爲
寫槎牙

鬱孤臺

再過虔州和前韻

吾生如寄耳

次公魏文帝樂府云人生如寄多憂何爲法苑珠林云謝安與支遁書云人生如寄耳

嶺外亦

閒游贛石三百里

行孟浩然詩贛石三百里沿江千嶂間叔奇國史補蜀之三峽南康之贛石皆險絕之所

寒

江尺五流

次公唐語云城南韋杜去天尺五

楚山微有霰越瘴久無秋

圓仲通真子瘴氣論曰嶺南瘴猶如嶺北傷寒也從仲春訖仲夏行青州瘴季夏訖孟冬行黃茅瘴

望斷橫雲嶠魂

飛咤雪洲

次公橫雲嶠以言五嶺咤雪洲以瓊崖僭萬四州也賈捐之傳云僭耳珠崖皆在南方海中洲居南越地炎瘴而無

雪有雪則以曉鐘時出寺莫鼓各鳴樓歸路迷千嶂勞

生閱百州不隨猿鶴化厚抱朴子周穆王南征久而不歸一軍皆化君子為猿鶴小人為蟲沙甘

作賈胡留續後漢馬援傳耿舒與其兄弇書曰伏波類西域賈胡到一處輒止祇有貂裘在援史記蘇

秦衣敝黑貂裘出游數歲大困而歸猶堪買釣舟

同柳子玉游鶴林招隱醉歸呈景純天公鶴林竹林

寺也宋高祖潛龍時常遊寺有黃鶴飛舞因名黃鶴山鶴林招隱潤州二寺也

花時臘酒照人光歸路春風灑面涼劉氏宅邊霜

竹老戴公山下埜桃香次公劉氏宅戴公山蓋潤州事劉氏言劉裕家也裕建元王之遠孫本家彭城

晉氏東遷移居晉陵丹徒之京口里堯卿南史戴顓世居郊下又徒京口止黃鵠山宋文帝每欲見之嘗謂黃門侍郎張敷曰吾東巡之日當宴戴

公山巖頭匹練兼天靜續謝元暉詩匹練如練泉底真珠

賤客忙子仁杜詩奔泉賤水末安得道人攜笛去一聲吹裂翠崖

陶
李暮暮吹笛天下第一月夜泛江吹之俄有客立於岸呼船共載既至請笛而吹其聲精壯山石可裂暮未嘗見也

游鶴林招隱二首

郊原雨初霽春物有餘妍古寺滿修竹
溪林聞杜鵑睡餘柳花隋目眩山櫻然
字仁沈約詩山櫻發欲然西窗有病客危坐看香煙

行歌白雲嶺坐詠脩竹林風輕花自落日薄山半陰
澗州誰復識聞香杳難尋時見城市人幽居惜未溪

與毛令方尉游西菩提寺二首

尉方君武與東坡於熙寧七年八月廿七日同游西菩提山明智院石刻有焉西菩提寺去縣十五里

推擠不去已三年（續晉）鄧侯為吳郡守稱疾去職吳人歌曰鄧侯挽不畱謝令推不去魚鳥依然

笑我頑人相放歸江北路天教看盡湘西山尚書

清節初冠後（援毛玠典選舉以儉率人魏太祖以素屏風素憑几賜玠曰君有古人之風故賜君以古人之服玠居顯

位常布衣疏食為尚書僕射處士風流水石間（任方千桐廬人幼有清才為徐鉉所

（祖可）毛令乃毛尚書之後器然姿態山野終不登第當時號為方處士後韋莊奏賜及第一笑相逢那易得數詩狂語

不須冊

路轉山腰足相移水清石瘦便能奇白雲自占東

西嶺（子暉按於潛圖經云寺前有東西兩山或有雲晦遙望如嶺焉）明月誰分上下池黑黍

黃梁初熟後朱柑綠橘半甜時人生此樂須天賦

莫遣兒郎取次知（厚王義之謂謝安曰但恐兒輩覺損其歡樂之趣）

雪後到乾明寺遂宿

門外山光馬亦驚階前屐齒我先行風花誤入長

春苑

續吳王有長春苑次公宋復古河南志晉之宮內有長春門

雲月長臨不夜城次公解道康齊

地記曰齊大不夜城蓋古者有日夜中照於東境故萊子立此城以不夜為名

未許牛羊傷至潔且看

雅鵲弄新晴更須攜被留僧榻待聽摧檐瀉竹聲

圓通禪院先君舊游也四月二十四日晚

至宿焉明日忌日也乃手寫寶積獻蓋頌

佛一偈以贈長老仙公仙拊掌笑曰昨夜

夢寶蓋飛下著處輒出火豈此祥乎乃作

是詩院有蜀僧宣逮事訥長老識先君云

石耳峰頭路接天梵音堂下月臨泉此生初飲廬

山水他日徒參雪竇禪

子仁雪竇師諱仲顯字隱之遂州李氏子出家參隨州智門祚和尚不起一念

之言後居四明之雪竇賜號明覺皇祐五
年七月七日不遺囑亦不說偈北首而亡
袖裏寶書猶未出夢

中飛蓋已先傳何人更識嵇中散野鶴昂藏未是

仙仔晉嵇紹入洛或謂王戎曰昨儔人中始見嵇紹昂昂如野鶴在雞羣戎曰君復未見其父爾

過萊州雪後望三山

次公案地志萊州掖縣載三山有海之南岸史記封禪書秦始

皇東遊海上行禮祠名山山川及八神其四曰陰主祠三山其後武帝亦祠三山八神是已

東海如碧環西北卷登萊雲光與天色直到三山

回我行適冬仲薄雪收浮埃黃昏風絮定半夜扶

桑開參差太華頂出沒雲濤堆安期與羨門安期羨門神

仙名漢書樂大曰臣嘗往來海中見安期生羨門之屬乘龍安在哉茂陵秋風客厚漢武帝葬茂

陵嘗作秋風辭李賀金銅仙人辭漢歌勸爾麾一杯次公借用晉孝

茂陵劉郎秋風客夜聞馬蹄曉無跡見帝甚惡之舉酒祝之曰長早勸帝鄉不可期續陶淵明歸去來辭云富貴非吾願

帝鄉不可期次公莊子乘彼白雲至于帝鄉
楚些招歸來楚些招歸來兮來歸何為兮四方些

龜山

我生飄蕩去何求再過龜山歲五周身行萬里半
天下僧臥一菴初白頭地隔中原勞北望潮連滄
海欲東游元嘉舊事無人記故壘摧頽今在不次公宋文

帝遣將拒魏泰
武築城此山

登玲瓏山

幼槃案林安圖經玲瓏山在縣西十三里兩山屹起盤屈凡九折上通絕頂名曰九折巖南行

百許步有亭下瞰百

里山名曰三休亭

何年僵立兩蒼龍瘦脊盤盤尚倚空翠浪舞翻紅
罷亞厚杜牧詩罷亞百頃稻西風吹半紅罷亞稻多貌白雲穿破碧玲瓏三休亭
上工延用民瞻唐司空圖居中條山王官谷有先人田遂隱不出作亭觀素室悉圖唐興節士文人名亭曰休休作文以見志

宋東坡詩集卷三

文蔚堂

曰休美也既休而美具故量才一宜休揣分二宜休耄而瞶三宜休又少也隨長也率老也迂三者非濟時用則又宜休因自目為耐辱居士體仁雞跖集楚王誇客以九折巖前巧貯風見題脚力盡時山更章臺之臺三休乃至

好莫將有恨超無窮

宿九仙山

九仙謂左元放許謫王謝之流子蒼案圖經無量院在縣西十二里九仙山東晉葛洪許謫鍊

丹之地

風流王謝古仙真一去空山五百春玉室金堂餘

漢士援許謫與王逸少書云自山陰南至臨安多有金堂玉室左元放之徒漢末諸得道者皆在焉桃花流水知

秦人困眠一蹕香凝帳傳韋應物詩燕寢凝清香夢遶千巖冷逼

身半夜老僧呼密起雲峰缺處湧冰輪致約今寺中

韓大祝送游太山

鴻乍郊原十日游未應回首厭籠囚但教塵土驅

馳足終把雲山爛漫酬聞道逢春思濯錦成都也言

因景物而懷鄉爾希聲成都古今記濯錦江自州西北分派東流至州北街過入文富坊東流至膠坊尾又向南流於興聖觀直東南至大慈寺前有錦江橋是也

便須到處覓菟裘魯隱公曰使營菟裘吾將老焉恨君不上東峰

頂夜看金輪出九幽續漢官儀曰太山東南名曰日觀雞一鳴時見日始出長三丈許

登雲龍山

醉中走上黃茆岡滿岡如羣羊次公暗使黃初平事岡頭

醉倒石作牀仰看白雲天茫茫歌聲落谷秋風長

路人舉首東南望拍手大笑使君狂

與客游道場何山得鳥字少度吳興統記正真寺在州南一十六里有山

曰道場山

清溪到山盡飛路盤空小紅亭與白堦南老吳興統記郡有五亭曰白

頻亭集芳亭山光亭朝發亭碧波亭又有白隱見喬木杪中休得

塢巷有白石塔在焉因而名之在州西三里

小菴孤絕寄雲表洞庭在北戶雲水天渺渺菴僧

俗緣盡淨業洗却了十年畫鵲竹益以詩自繞高

堂儼像設禪客各深窺奔泉何處來華屋過溪沼

何山隔幽谷去路青且悄長松度翠蔓絕壁挂唬

鳥我友自杭來尚歎所歷少歸塗風雨作一洗紅

日燎我驚萬竅號黑霧卷蓬蓼舟人紛變色坐羨

輕鷗矯我獨換酒杯醉死勝流殽書生例彊狠造

物空煩擾更將掀舞勢把燭畫風篠美人爲破顏

正似腰肢嬈明朝便陳迹清景隨空杳作詩詎餘

歡萬古一昏曉

初入廬山三首

青山若無素偃蹇不相親次公先生詩又云青山偃蹇似高

要識廬山面他年是故人山南山面也

自昔懷清賞神游杳藹間如今不是夢真箇在廬

山

芒屨青竹杖自挂百錢游續晉阮脩常步行以百錢挂杖頭可怪深山

裏人人識故侯次公漢書言邵平者故秦東陵侯種瓜於長安城東子仁先生詩話云僕初入廬山山谷奇秀平日

所未見殆應接不暇遂發意不欲作詩已而見山中僧俗皆云蘇子瞻來矣不覺作一絕云芒屨青竹杖云云既而晒前言之謬復作兩絕句云青

山若無素云云案詩話則今第三篇為首篇矣

鶴紫云起筆劃悍

又云直從瀑布發露

寫到波平水靜而

同正輔表兄游白水山郊老白鶴故居圖云白水山羅浮山之西瀑布在焉

偉哉造物真豪縱厚莊子子來病子桑往問之倚其戶與之語曰偉哉造物又將矣以汝為攫土搏

佛迹處別是一般景
象勝迹不同詩以隨景
可知絕唱高蹤不由強
索而得

鶴紫云余兄高上下路
關正當苦洗乃云水
群一洗由其胸中存多所
謂雷解雲夢也令人如
倘懷荆棘即其處安
當時究竟何曾有月
得之趣乎

沙為此弄擘開翠峽起雲雷截破奔流作潭洞因

隨化人履巨跡次公列子周穆王時西域之國有化人來自水巖有大足跡世謂之佛跡今化人則借以言佛爾

得與仙兄躡飛輕曳杖不知巖谷深穿雲但覺衣

裘重坐看驚鳥救霜葉知有老蛟蟠石甕金沙玉

礫粲可數古鏡寶奩寒不動念兄獨立與世疎絕

境難到惟我共永辭角上兩蠻觸角曰蠻氏右角曰觸氏

爭地一洗骨中九雲夢援子虛賦齊之青丘吞楚之雲夢者八九而於其胸中曾不芥蒂浮來

山高回望失次公浮來山言羅浮山也古云自會稽浮來武陵路絕無人送次公

源也筠籃擷翠爪甲香素纓分碧錦錦凍歸路霏霏

暘谷暗次公淮南子曰出於暘谷入於咸池一作湯谷或云山中有湯泉也望堂活活神泉湧申

物類相感志高密琅邪之臺解衣浴此無垢人次公維摩經入解之

此無垢人 身輕可試雲間鳳

次韻正輔同游白水山

鶴堂之辭却向水別作
雲無渺然之想層巒疊
巒與會林尚 屋之遙
遊之貴

知楚越為天涯不知肝膽非一家此身如綫自

縈繞左旋右轉隨縲車誤拋山林入朝市平地

咫尺褰斜厚梁州記萬古城沂漢上七里有褰谷口南口曰欲從

稚川隱羅浮援葛洪字稚川先與靈運開永嘉次公永嘉

靈運在永嘉登山臨水佳處無不游溫州也謝

嘗自始寧南山伐木開徑直入臨海厚郡國志韶

登北石次謁六祖登南華次公南華寺在韶州仙山一見五

色羽次公言五色雀雪樹兩摘南枝花赤魚白蟹箸屢

下厚一作白魚赤蟹又何曾黃柑綠橘邊常加續周禮簞邊人掌

之實夢糖霜不待蜀客寄次公東蜀梓州有荔支莫信聞

人誇厚荔支譜云廣南及梓慶之間所出大率早熟其精好者僅比閩中之下品恣傾白蜜收五稜

去聲厚南嶺錄瀧州山中多紫石英其大小皆五稜兩頭如箭鏃者水飲之煖而無毒天公白蜜以言酒也廣南以田畝為稜收五稜則所種酒稻

也細屬黃土栽三稜正輔分人參歸種韶陽來詩本用礪字惠州無書不見此字所出故且從木奉和天公人

參生在黃土中高麗人作人參贊曰三稜五葉背陽向陰朱明洞裏得靈草次公朱明洞羅浮山洞也扁

然放杖凌蒼霞豈無軒車駕熟鹿亦有鼓吹號寒

鼉援孔稚圭間庭前鳴鼉曰可以當兩部鼓吹仙人勸酒不用石上卽有尊

壘厚元次山竊尊銘序道州城東有左湖湖東二十步有水石山山顛有麻石可以為尊徑從此路朝王

闕千里莫遣毫釐差故人日夜望我歸相迎欲到

長風沙厚李白長千行相迎不道遠直至長風沙特晦案同安志長風沙鎮在懷寧縣東一百二十里豈知乘查

天如側獨倚雲機看織紵續博物志天河與河通有居海島者每年見浮槎來往返不失期人

異之遂齋糧乘之忽至一處望舍中多織婦俄見一丈夫牽牛渚次飲之

之乃山入至世間誰似老兄弟篤愛不復相疵瑕相攜

行到水窮處厚王維詩行到水窮處坐看雲起時庶幾一見留子嗟次公詩丘中有麻彼留子

嗟注云留大夫氏子嗟字也千年枸杞嘗夜吠援續神仙傳朱孺子一日忽見二花犬相趁入枸杞叢下因異

之乃尋掘得二枸杞根形狀如犬次公白樂天詩不知靈藥根成狗怪得時聞夜吠聲無數荆棘藏遮但

令凡心一洗濯神人仙藥不我遇山中歸來萬想

滅豈復回顧雙飛雅

同秦仲二子雨中游寶山

平明已報百吏散半日來陪二子閒立鵲低昂煙

雨裏次公東方朔外傳武帝宴坐胡執戟在殿階旁屈指獨語上從殿上見朔呼問之對曰殿後樹上有鵲立松枝東向而鳴行人

出沒樹林間

五月十日與呂仲甫周邠僧惠勤惠思清

順可久惟肅義詮同泛湖游北山

三吳雨連月湖水日夜添尋僧去無路潏潏水拍
檐駕言徂北山得與幽人兼清風洗昏翳晚景分
穠纖縹緲朱樓人斜陽半疎簾臨風一揮手悵焉
起遐瞻世人驚朝市獨向溪山廉此樂得有命輕
薄神所殲

病中游祖塏院

無已案杭州圖經云祖塏法雲院開成二年唐文宗建皇宋太平興國六年改

作今額補注
今虎跑寺

紫李黃瓜邨路香烏紗白葛道衣涼閉門野寺松
陰轉欹枕風軒客夢長因病得閒殊不惡安心是
藥更無方道人不惜階前水借與匏尊自在嘗

夜泛西湖五絕

新月生魄迹未安

次公杜甫初月詩影斜輪未安

纔破五六漸盤桓今

夜吐豔如半璧

次公盧全詩是夕吐豔如長如又云初露半箇

游入得向三

更看

三更向闌月漸垂欲落未落景特奇明朝人事誰

料得看到蒼龍西沒時

次公蒼龍角亢之宿夜半而沒

蒼龍已沒牛斗橫東方芒角昇長庚漁人收筒及

未曉船過惟有菰蒲聲

時湖上禁漁皆盜釣者也

菰蒲無邊水茫茫荷花夜開風露香漸見燈明出

遠寺更待月黑看湖光

湖光非鬼亦非仙風恬浪靜光滿川須臾兩兩入

寺去就視不見空茫然

湖上夜歸

我飲不盡器

次公飲不盡器出何諷渴賦

半酣味尤長
籃輿湖上歸

續晉王弘邀陶潛還州問其所乘答曰素有脚疾向乘籃輿亦足自反乃令一門生二兒共輿之

春風吹面涼行

到孤山西夜色已蒼蒼
清吟雜夢寐得句旋已忘

尚記梨花邨依依聞暗香
入城定何時賓客半在

江睡眠忽驚雙鯢燈鬧河塘

夢良沙河塘乃杭州街名也

市人拍手

笑狀如失林麀始悟山野姿
異趣難自強人生安

為樂吾策殊未良

寒食未明至湖上太守未來兩縣令先在

子輿杭有錢塘

坊頭月落咭嘯鳥鳥榜紅舩早滿湖吳榜越船不能無水而浮

鼓吹未容迎五馬號五馬次公五馬言太守也古樂

府羅敷行云五馬立踟躕詩人生五馬貴莫受二毛侵水雲先已颺雙鳧厚雙鳧謂二縣令也王喬為鄴令每

朔望來朝漢明帝怪之令太史伺望之每見雙鳧

從東南飛來舉網得鳧驗之乃尚方所賜履舄也映山黃帽螭頭

舩鄧通為黃頭郎注云著黃帽也夾道青煙鵲尾爐厚費崇先尤信

佛法以鵲尾香爐置鄰前次公杜陵集載陶貞白有金鵲尾香爐老病逢春只思睡獨求僧

榻寄須臾

次韻劉景文周次元寒食同游西湖

絮飛春減不成年次公杜詩一片花飛減却春傳丘豫見庭中花

復待何落謂友人曰飛此一片減却青春色不趁行樂老境同乘下瀨船次公漢武帝紀有下瀨將軍藍尾忽

驚新火後樂天寒食詩三杯藍尾酒一碟膠牙餠遨頭要及浣花前成都太守自正月十

日出游至四月十九日浣花乃止

山西老將詩無敵

次公以言劉景文前漢贊云山西出將

洛下

書生語更妍

次公以言周次元謝安傳云能為洛下書生詠

共向北山尋二士

次公二士言清

順道潛也堯卿魏僧法度法紹游學北山綜習三藏靈跡異事世皆見聞世號曰北山二聖

畫橈鼉鼓聒清眠

連日與王忠玉張全翁游西湖訪北山清

順道潛二詩僧登垂雲亭飲參寥泉寂後

過唐州陳使君夜飲忠玉有詩次韻荅之

北山非自高千仞付我足西湖亦何有萬象生我

目雲深人在塢風靜響應谷與君皆無心信步行

看竹竹間逢詩鳴

次公韓愈送孟東野序云東野始以其詩鳴今以言二詩僧也

眼色奪湖

滌百篇成俯仰二老相追逐

次公二老指言王忠玉張全翁也

故應千

頃池養此一雙鵲山高路已

遙亭小剝屢促夜尋

三尺井

言參寥泉也

渴飲半甌玉明朝闌絲管寒食

雜歌哭使君坐無聊狂客來不速載酒有鳴夷

揚

雄酒箴鴟夷滑稽腹如大壺盡日盛酒人復借沽常為國器比于屬車

扣門非啄木

次公唐人詩云開聞啄木鳥疑是扣

僧浮蛆盪金碗翠羽出華屋須臾便陳跡覺夢那

可續及君未渡江過我勤秉燭

次公晉謠有五馬浮渡江又古詩何不秉燭游一

笑換人爵百年終鬼錄

厚魏文帝書有曰觀其姓名已為鬼錄

次韻曹子方運判雪中同游西湖

詞源盪盪波頭展

傳隋文藝傳曰筆有餘力詞無竭源

清唱一聲巖谷滿

未容雪積句先高豈獨湖開心自遠

器先陶淵明詩心遠地自偏

雲

山已作歌眉淺山下碧流清似眼尊前侑酒只新

詩何異書魚餐蠹簡

次韻仲殊雪中游西湖二首

夜半幽夢覺稍聞竹葦聲起續凍折絃

援賈島詩坐聞西牀琴凍折兩

三絃為鼓一再行

續漢書司馬相如飲卓氏所臨叩令請奏琴相如辭謝為鼓一再行

曲終天自

明玉樓已崢嶸有懷二三子落筆先飛霙

氏瞻雪花謂之霙見

韓詩外傳

共為竹林會身與孤鴻輕秀語出寒餓身窮詩

乃亭禪老復何為笑指孤煙生我獨念粲者誰與

予目成

援詩如此粲者何次公楚辭大司命云滿堂兮美人忽獨與予兮目成

寶雲樓閣開千門

民瞻寶雲寺名

林靜初無一鳥喧閉戶莫

教風埽地卷簾疑有月臨軒水光潋灩猶浮碧山

色漣濛已斂昏乞得湯休奇絕句

次公湯休以比仲殊宋僧惠休姓湯氏有詩名

于台口鹽絮是東言

七月一日出城舟中苦熱

涼颼呼不來流汗方被體次公趙嘏長嘯呼風亂流而濟又杜詩汗流被我體稀星

乍明滅暗水光瀾瀾香風過蓮芡驚枕裂魴鯉欠

伸宿酒餘起坐濯清泚火雲勢方壯未受月露洗

續杜詩火雲洗月露絕壁上朝噉身微欲安適坐待東方啓

望海樓晚景五絕

國器杭州圖經云東樓一名望海樓在舊治中和堂北太平寰宇記

云樓高十八丈

唐武德七年置

海上濤頭一線來樓前指顧雪成堆從今潮上君

須上更看銀山二十回

橫風吹雨入樓斜壯觀應須好句誇雨過潮平江

海碧電光時掣紫金蛇

青山斷處層層隔岸人家喚欲應江上秋風晚

來急爲傳鐘鼓到西興

彦章杭州圖經云浙江渡在候潮門外對西興

樓下誰家燒夜香玉笙哀怨弄初涼臨風有客吟秋扇拜月無人見晚妝

沙河燈火照山紅

堯祖唐地理志沙河塘縣舊治南五里咸通二年刺史崔彥曾聞昔潮水衝擊錢塘江岸至於

奔逸入城勢莫能禦故開沙河以決之河有三曰外沙中沙裏沙

歌鼓喧呼語笑中爲問少

年心在否角巾敲側鬢如蓬

自仙游回至黑水見居民姚氏山亭高絕

可愛復憩其上

山鷗曉辭谷似報遊人起出門猶屢顧慘若去吾里道塗險且迂繼此復能幾溪邊有危構歸駕聊

復尼愛此山中人縹緲如仙子平生慕獨往官爵

同一屣

師史記郊祀志武帝云嗟乎吾誠得如黃帝吾視去妻子如脫屣耳

胡爲此溪邊眷眷若

有埃國恩久未報念此慙且泚

師韓愈龍史詩叩頭謝史言始慙今更羞歷官二十餘國

恩並未酬

臨風浩悲咤萬世同一軌何年謝簪紱丹砂留

迅晷

登常山絕頂廣麗亭

西望穆陵關

續穆陵山在沂州沂水縣管仲言齊之封境南至穆陵

東望琅邪臺

厚琅邪山

在沂州之沂水海州之朐山密州之諸城三縣界漢有琅邪縣先是越王句踐嘗治此始自皇登山樂之作琅邪臺其地在今諸城之東南

南望

九仙山

續在錢塘臨安或云在密州諸城縣

北望空飛埃相將叫虞舜

厚杜詩回首叫

虞舜蒼梧雲正愁

遂欲歸蓬萊嗟我二三子狂飲亦荒哉紅

裊欲仙去

續趙飛燕身輕臨風如欲飛去

長笛有餘哀清歌入雲霄妙

舞纖腰回自從有此山

續羊叔子登峴山謂鄒湛曰自有宇宙便有此山古來賢達勝士登此遠望如

我與卿者多矣然湮滅無聞使人悲傷

白石封蒼苔何嘗有此樂將去復徘徊

徊人生如朝露白髮日夜催弃置當何言萬劫終

飛灰

援曹毗志怪曰漢武鑿昆明池見灰墨無復土舉朝不解以問東方朔言者以問之胡曰天地大劫將盡則劫燒此劫燒之餘也

劫將盡則劫燒此劫燒之餘也

過廬山下一首

并序

予過廬山下雲物騰湧默有禱焉未午衆峰凜然

故作是詩

亂雲欲埋山勢與飄風南

總詩卷阿

羣嶺相應和

往爭驂驛可憐薈蔚中

厚詩薈蔚兮蔚

時出紫翠嵐鴈

沒失東嶺龍騰見西龍

芳南山湖

時笑百態變立談

暴雨破塊北

援賈謐鵬鵬大鈞指物以無垠清以磨也北山由北

峰秀卓者曰紫霄峰過白氏州堂半山有二泉出石間名曰雙玉澗萬壽院南三里至下白石又三里至上白石詠貞洞天五老峰正在其後

飈埽渾酣廓然歸何處陋矣安足戲亭亭紫霄峰

窈窈白石菴五老數松雪雙溪落天潭

次公紫霄峰白石菴五老雙溪

皆廬山事也雖云默禱應

續退之謁衡岳廟詩潛心默禱祈有應

顧有移文慙

厚周彦倫隱於

北山後應詔出仕又欲過舊隱孔德璋假山靈之辭以責之謂之北山移文

汎潁

我性喜臨水得潁意甚奇到官十日來

厚白樂天詩到官來十日覽鏡

生二九日河之濬吏民笑相語使君老而癡使君實

不癡流水有令姿遠郡十餘里不駛亦不遲

厚陶淵明詩不

駛亦不遲飄吹我衣上流直而清下流曲而潯畫船俯明鏡笑

文蔚堂

鶴勞之榜表之理樂里之華

問汝為誰忽然生鱗甲厚白樂天詩伊水細浪鱗甲生我須與眉散

為百東坡頃刻復在茲沈敦謨傳燈錄良价禪師遇水觀影大悟有偈曰我今獨自往處處得逢渠渠

今正是我我今不是渠此豈水薄相與我相娛嬉聲色與臭味顛

倒眩小兒等是兒戲物水中少磷緇趙陳兩歐陽

同參天人師次公天人師言佛也趙陳言景貺履常兩歐陽叔弼季默也觀妙各有得共

賦沈穎詩

自金山放船至焦山徽夫潤州圖經云焦山普濟院在金山之東

金山樓觀何耽耽次公耽耽屋深貌文選有大厦耽耽撞鐘擊鼓聞淮南焦

山何有有脩竹彩薪汲水僧兩三雲霧浪打人跡

絕時有沙戶祈春蠶吳人謂水中可為田者為沙我來金山更留宿

而此石心裏斷同游盡反決獨往賦命窮薄輕

江潭清晨無風浪自湧中流歌嘯倚半酣老僧下

山驚客至迎笑喜作巴人談焦山長老中江人也自言久客忘

鄉井只有彌勒為同龕困眠得就紙帳煖飽食未

厭山蔬甘山林飢餓古亦有無田不退寧非貧展

禽雖未三見次公柳下惠為上師三黜叔夜自知七不堪續嵇叔夜與山巨源

書有必不堪者行當換刻謝簪組為我佳處留茅菴七甚不可者二

同王勝之游蔣山

續舊名鍾山漢末廣陵人蔣子文為金陵尉討賊死于山下孫權為

立廟改名蔣山

子仁勝之名益柔

到君席不煖居民空惘然好山無十里遺恨恐他

年欲款南朝寺

厚山中寺多是六朝行宮東晉宋齊梁陳皆都江陵謂之南朝

同登北郭船

朱門收畫戟紉字出青蓮

荆公宅以為寺

夾路蒼蘚古

次公指言松檜

也先生詩又云山中只有迎人翠麓偏龍腰蟠故國縹山春宛轉若

蒼顙叟數里蕭蕭管送迎蟠龍之狀孔明名之曰龍蟠山次公蒙宇記載孔

明謂吳大帝曰鍾山龍蟠石城虎踞真帝王都也鳥爪寄曾巔山厚

有鳥爪峰次公高僧傳誌公生於鷹窠手類鳥爪死葬此山上舊注非是竹杪飛華屋松根滋細

泉峰多巧障日江遠欲浮天略約橫秋水次公略約橫木橋也

陸龜蒙詩頭經略約冠微亞腰插笈簪帶真頭頻浮屠插莫煙歸來踏人影雲細月

至真州再和二首

老手王摩詰窮交孟浩然論詩曾伴直厚孟浩然為王維所知維待詔

金鑾殿與之商較風雅忽遇上幸維所浩然錯愕伏牀下維不敢隱因奏

聞上欣然曰朕素聞其人因得召見命吟詩浩然曰北闕休上書南山歸

敝廬不才明主棄多病故人疎上曰朕未嘗棄人自是卿不求進因命放還師南史劉孝標言利交有五曰窮交話舊已忘年北上難陪驥東行且趁船離亭花映肉縹杜詩寄

街云憶子初晨永嘉
去紅顏白面花映肉
醉眼鷺窺蓮拖轉三山沒風回五

兩偏

次公五兩字出郭璞江賦有云覘五兩之動靜而李善注引兵書曰凡候風法以雞羽重八兩建五丈旗取羽繫其巔立軍營中許

慎淮南子注曰統候風也音桓楚人謂之五兩又五臣之翰曰五兩鳥毛為之置竿之上以候風

荒祠過瓜步

續揚州江

都縣瓜步鎮乃往真州渡口也

古砧隋松巔聞道清香閣

次公韋應物詩宴寢疑清香

新

笏白玉泉莫教門掩夜坐待月流天

厚謝莊月賦白露暖空素月流天

小院檀槽鬧空庭擗燭煙公詩便堪唱為付小嬋

娟

公顏如雪柏千載故依然笑我無根柳空中不待

年

師劉義慶世說云顧說之與晉簡文帝同年說之早白帝問卿何以先老對曰蒲柳之姿望秋先隕松柏之質隆冬轉茂

肯留

歸闕旆坐待迎風船特許門傳鑰那知箭起蓮

續

花漏法以水浮箭為候

相逢月上後小語坐西偏

字仁退之庭柳詩朝日出其東我常坐西偏

流落千帆側厚劉禹錫詩沈舟側畔千帆過病木前頭百樹春追思百尺巔躬耕

懷谷口援楊子云谷口鄭子真耕乎崑石之下名振於京師水石羨平泉續唐李德裕平泉莊周四十里名花

異艸鉛松怪石靡不畢致次公李衛公詩序云後世以平泉一石一花移他處者非李氏子孫茆屋歸元亮厚陶詩養真衡

茆下庶以善自名淵明一字元亮霓裳醉樂天援白樂天嘗侍宴觀舞霓裳曲愛之及在杭州集諸妓教之行

聞宣室召厚前漢賈誼傳誼謫長沙文帝思誼徵之至入見上方受釐坐宣室遂問以鬼神之事歸近御鑪

煙次公唐人詩從事不須輕御史滿身猶帶御鑪煙未用歌池上續樂天有池上樂之詩隨宜教

李娟厚樂天為蘇州和元稹霓裳歌云李娟張態君莫嫌亦擬隨宜且教取

孟震同遊常州僧舍三首子仁震東平人嘗為黃州通判

年來轉覺此生浮次公莊子其生若浮其死若休又作三吳浪漫游次公唐元

結自稱為漫士人呼之為漫郎忽見東平孟君子夢中相對說黃州無已先生

君子泉銘序云孟君亨之篤學而力行克有常德信於朋友一時皆稱之曰此君子也因虎之五子皆通守齊安其園有泉旱不加負水不加益

因名之曰君子泉又先生有跋云孟君名震字亨之及進士第為承議郎

湛湛清池五月寒小山無數碧巒岼穉杉戢戢三

千本厚戢戢多貌盧全月蝕詩萬國赤子戢戢魚頭生且作凌雲合抱看

知君此去便歸耕笑指孤舟一葉輕待向三茅乞

靈雨蘊三茅指言茅山也茅君兄弟三人皆為神仙半篙流水送君行

儋耳山

突兀隘空虛他山總不如君看道旁石盡是補天

餘

觀湖二首

舟查遠引神仙客萬里清風上海濤回首不知沙
界小飄衣猶覺色塵高須彌有頂低聳日鬼率無

三百七十
根下戴鰲釋梵茫然齊劫火飛雲不覺醉陶陶
朝陽照水紅光開玉濤銀浪相徘徊山分宿霧儘
寬遠雲駕高風馳送來昇霞影色散殘火及物氣
皎明纖埃可憐極大不知已浮生野趣悠悠哉

滄洲亭懷古

湘水悠悠天際來夾江古木抱山回城中人物若
可數日晏市散多蒼苔九疑巉天古雲埋遙想帝
子龍車迴心衰目極何可望九歌寂寂令人哀

游中峰杯泉

石眼杯泉舉世無要知杯度是凡夫可憐狡獪維

摩老戲取江湖入盃盂

火星巖

火星巖下石凌壁閣上相忘止一僧莫問人間興
廢事門前流水几前燈

觀大水望朝陽巖作

朝陽巖前不結廬下眺江水百步餘春泉濺濺出
乳竇青莎白石半洿涂不到津頭二三日誰知江
水漲天墟遙望橫杯不敢濟巖口正有人罾魚

惠州近城數小山類蜀道春與進士許毅
野步會意處飲之且醉作詩以記適參寥
專使欲歸使持此以示西湖之上諸友庶
使知余未嘗一日忘湖山也

夕陽飛絮亂平蕪。萬里春前一酒壺。
鐵化雙魚沈遠素。劍分二嶺隔中區。
花曾識面香仍好。鳥不知名聲自呼。
夢想平生消未盡。滿林煙月到西湖。

蘇東坡詩集注卷第二

蘇東坡詩集注卷第三

游覽下

游徑山

十朋案徑山事狀云徑山乃天目東北峰也中有徑路以通天目故謂之徑山

眾峰來自天目山勢若駟馬奔平川中塗輻輳千

里足金鞭玉轡相迴旋人言山住水亦住下有萬

古蛟龍淵

次公水經曰於潛縣北天目山山極高峻東面瀑布下注成沼名曰蛟龍池池水入西溪西溪合于浙江十朋徑山

事狀云國一大師因獵者導自重岡之西至于危峰之北石巖之隈坐于石牀之上有頃有素衣老人前而致拜師曰汝何人也曰龍也師曰何以至此曰自師到此吾屬五百皆不安息師若久住於此我將挈其屬歸天目願捨此地為師立錫之所師許之乃請師登山絕頂入五峰之間中有大湫指謂師曰吾家若去此湫當漲留一穴水慎勿湮之我將時至而衛師今此一穴尚存謂之龍井言訖不見於是雲霧晦冥風雨驟作連夜不息及明既霽秋水盡涸漲沙遂平北峰之隙復有草道人天眼識菴可居師乃止焉菴蓋龍所為今菴基見在諸州不生

玉氣結茱萸宴坐荒山巔

次公道人指言欽禪師也十朋事狀云大師諱法欽吳郡崐山人姓朱氏年二

十二馬素禪師見而識之躬為去髮謂師曰汝乘流而行遇徑而止師至
臨安東北山下而問之樵者曰此山中謂之徑塢乃求挂錫之地四顧無
人適遇苦蓋覆置眾師就之宴坐精神貫山石為裂十朋事狀云永泰中

獵者見之以其地結廬與師居之
師坐北峰石屏下見白衣儒士拜于前自言是中子山人也長安佛法有
難我聞師道行高邈願度為沙彌往救師曰汝有何術對曰我誦俱胝觀
音咒其功無比師曰吾坐後石屏汝能咒令破否曰可遂叱之石屏裂為

二片今謂之喝石巖師知神異為去髮給衣賜名惠崇至京師與術士競
惠崇告天如下試顏如蓮續高僧傳惠崇行嚴潔有一天女寄宿寒

窗煖足來撲渥次公撲渥兔也木蘭歌雄兔脚撲朔雌兔眼迷離

於杖屨夜盃咒水降蛇厚佛圖澄傳襄國成斬永源枯渴石勒

坐繩牀燒安息香咒數百言如此三日水泫然微流有一小龍長五六寸
許有頃水大至次公大注所引非鉢中降龍事抱朴子云外國方士能神

咒者臨川禹步吹氣龍即浮出長十餘丈方士一吹雪眉老人朝叱
縮至一寸取著壺中遇旱出龍而雨集此事相類

門次公宣室志載任頊居深山中嘗一日閉關願為弟子長和

禪次公龍見孫思邈稱弟子以為言十朋以上並係徑山實事當爾

來廢興三百載奔走吳會輸金錢飛樓湧殿壓山
破朝鐘莫鼓驚龍眠晴空仰見浮海蜃落日數
投邨鷺有生共處覆載內擾擾膏火共烹煎續莊子山木自
寇也膏火自煎也近來愈覺世議隘每到寬處差安便嗟余
老矣百事廢却尋舊學心茫然問龍乞水歸洗眼
龍井水洗病眼有效欲看細字銷殘年

冬至日獨游吉祥寺

井底微陽回未回

次公月令冬至則水泉動故云

蕭蕭寒雨溼枯荻何

人更似蘇夫子不是花時肯獨來

後十餘日復至

東君意淺著寒梅千朵深紅未暇裁

次公此言東君止著寒梅而已此所

以為意也千朵深紅

則言吉祥寺之牡丹

安得道人殷七七不論時節遣花開

厚鶴林潤州寺名其事殷七七字文祥周寶舊識之及移鎮浙西鶴林寺杜鵬高丈餘每春月爛熳寺僧相傳言貞元中有僧自天台移種之自後營飾花院鎖閉時或窺見二女子共游樹下俗傳女子花神也寶一日謂七七曰鶴林之花天下奇絕嘗聞能作非時花今重九將近能開此花副此日乎七七乃前二日往鶴林焉中夜女子來謂七七曰妾為上玄所命司此花今與道者開之然此花非久即歸閬苑矣於是女子瞥然不見及九日爛熳如春寶驚異游賞累日花俄不見其後兵火焚寺樹失根株信歸閬苑矣

游道場山何山

道場山頂何山麓

次公何山以何錯讀書得名故後句云高人讀書夜達旦

上徹雲峰下

幽谷我從山水窟中來當處此山看不足陂湖行

盡白湯漫青山忽作龍蛇盤山高無風松自響誤

認石齒號驚湍山僧不放山泉出屋底清池照瑤

席階前合抱香入雲月裏仙人親手植出山回望

鶴紫日圓望二沙探
入情一詳一略以自然
為工

翠雲鬟碧瓦朱闌縹緲間朱薨照城郭白水田頭問

行路小溪深處是何山高人讀書夜達旦至今山

鶴鳴夜半援北山移文蕙帳空兮夜鶴怨春秋縣露曰鶴知我今

廢學不歸山夜半鶴水鳥也夜半水生成其生氣則益喜而鳴對酒空三子仁梗陽人有獄魏戌將

三歎魏子曰置食三歎何也同辭曰願以以小人之腹為君子之心屬厭而已

正月二十一日病後述古邀往城外尋春

屋上山禽苦喚人檻前冰沼忽生鱗次公鱗蓋言水也

闔西南來潛波渙鱗起注云兌為老來厭伴紅裙醉病起空

驚白髮新臥聽使君鳴鼓角厚晉王述為會稽太守以母喪居郡境王義之代述止一弔述

每聞角聲謂義之當詣已如試呼穉子整冠巾須溪既邀先生尋春雖病餘聞鼓角

則整冠曲闌幽榭終寒窳一看郊原浩蕩春

自昌化雙谿館下步尋谿源至治平寺二

首

子功素昌化縣圖經云雙谿館在縣治前

亂山滴翠衣裘重雙澗響空窗戶搖飽食不嫌谿
筍瘦穿林閒覓野芎苗却愁縣令知游寺尚喜漁
人爭渡橋正似醴泉山下路桑枝刺眼麥齊腰

每見田園輒自招倦飛不擬控扶搖共疑楊惲非

鉏豆

厚前漢楊惲荅孫會宗書載其詩曰田彼南山蕪穢不治種一頃豆落而為萁人生行樂耳須富貴何時漢宣帝聞而惡之坐死

誰信劉章解立苗

援劉章忿劉氏不得職常入侍高后燕飲進曰請為太后言耕田太后曰若生而為王子

安知田乎章曰深耕溉種立苗欲疏非其種者鉏而去之太后嘿然

老去尚餐彭澤米

厚陶潛為彭澤令在

縣公田悉令種秫妻子固請種粳乃以二頃五十畝種秫五十畝種粳

夢歸時到錦江橋

次公錦江橋今在成

都大慈寺前所過石橋是也

宦游莫作無家客舉族長懸似細腰

次公退之

言無服不自乳
舉族長孤懸

與周長官李秀才游徑山二君先以詩見

寄次其韻二首

堯卿周邠字開祖汝南人

少年飲紅裙

續退之詩不解文
字飲惟能醉紅裙

酒盡推不去呼來徑山

下試與洗塵霧

堯卿王凝之妻謝氏譏弟兄學不
進曰塵霧經心為天分有限邪

癡馬惜鄣

泥臨流不肖渡

援晉書王濟善解馬性嘗乘一馬著連錦鄣泥前
有水終不肖渡濟云此必是惜鄣泥使人解去便

渡

獨有汝南君從我無朝莫肯將紅塵脚暫著白

雲屨嗟我與世人何異笑百步功名一破甑棄置

何用顧

厚後漢郭泰傳孟敏客居太原荷甑隨地不顧而去林宗見
而問其意對曰甑已破矣視之何益林宗異之因勸令游學

十年
知名

更憑陶靖節往問征夫路

援陶淵明歸去來云問征夫以
前路恨晨光之熹微陶謚靖節

生

龍亦戀故居百年尚來去

堯卿山中
有龍鼎也

至今雨雹夜殿

聞風纏霧而我棄鄉國大江忘北渡便欲北山前

築室安遲莫又恐太幽獨歲晚霜入屨同游得李

生側足隨蹇步孔明不自愛臨老起三顧

續諸葛亮
出師表言

臣本布衣躬耕於南陽先帝不以臣卑鄙猥自
枉屈三顧臣于草廬之中咨臣以當世之事

吾歸便却埽

續江文
通恨賦

云馮衍閉關却埽厚南史沈炯
字初明閉關却埽無所交接

誰踏門前路

再游徑山

老人登山汗如濯到山困臥呼不覺覺來五鼓日

三竿

續劉禹錫詩日出三竿春霧消江頭蜀客競蘭橈
齊天文志永明五年十一月丁亥日出三竿其色黃赤暈

始信孤

雲天一握

古語云孤雲兩角去天一握次公芝田錄興元有路通巴州
險峻處謂之孤雲兩角諺云孤雲兩角去天一握言極高也先生

本汨山稱古
語今詳注之

平生未省出艱險兩足慣曾行犖确

續退之
詩山石

犖確行徑微

含暉亭上望東溟凌霄峰頭挹南嶽共愛絲

衫翠絲亂誰見玉芝紅玉琢白雲何事自來往明

月長員無晦朔

山有白雲峰明月菴

豕上雞鳴猶憶欽山前鳳

舞遠徵璞

次公憶欽禪師也徵璞郭璞也欽禪師說法時常有白雞來聽璞詩天目山前兩乳長龍飛鳳舞到錢塘干朋徑

山事狀云自國一大師居山猛獸不搏鷲鳥不擊有雞常隨法會不食生類師之長安雞長鳴三日不食而死今有靈雞豕

雪窗馴

兔元不死

注見前游徑山詩

煙嶺寒猿苦難捉從來白足傲

生死

堯卿高僧曇始入道之後大有殊迹游化關中足白於面跣涉泥水未嘗露汗天下咸呼白足案曇始和尚在關中時赫連勃勃斬

戮關中而始遇害連遭數刃盡不能傷於是隱遁山林後拓跋燾再入關中博陵崔浩猜忌佛法而專信天師寇謙皓為燾所任偽魏太平七年盡

滅佛教軍兵燒掠寺院僧尼苟有竄者追捕得必梟斬始聞之乃下山杖錫宮門有司奏曰有一道士足白於面今到宮門燾令斬之不傷遽以奏

燾燾怒自以所佩刀斫之數下俱無傷損又法苑珠林曰白足阿練長安道人也戒行精高

不怕黃巾把刀槊

次公劉禹錫白足赤髭之侶黃巾賊也後漢賊有赤眉黃巾之號

榻上雙痕凜然在劒頭一

呖何須角

以上皆山中故事干朋徑山事狀云第三代法濟大師諱洪諱吳興烏程人姓吳氏咸通八年嗣法位始至是山遇

黃巢之亂巢之偏帥領卒千人至而見師宴坐不起以劒揮禪座者再見師神思湛然帥乃異之獻金寶再拜而去今禪座尚在二劍迹亦存云次
公莊子道仁義於戴晉人之前猶劒首之一吹嗟我昏頑晚聞道與世齟齬空多

學靈水先除眼界花

龍井水洗眼有效注見前徑山詩

清詩為洗心源

濁騷人未要逃競病

韻梁武帝於華光殿燕飲聯句令沈約賦韻餘競病二字未賦曹景宗便操筆立成

其辭曰去時兒女悲歸來笳鼓競借問行路人何如霍去病

禪老但喜聞剥啄

援退之詩剥剥啄啄有客至門

此生更得幾回來從今有暇無辭數

與梁先舒煥泛舟得臨釀字二首

彭城古戰國

緇彭城徐州也古大彭氏之國自春秋至唐末多戰爭之地次公漢高項羽劉裕皆起彭城

孤客

倦登臨汴泗交流處

援退之詩汴泗交流郡城角

清潭百丈深故人

輕千里足蠶來相尋

緇吳入郢申包胥走秦乞師足皆主蠶

何以娛佳客

潭水洗君心

老守厭簿書先生罷函丈

厚禮席間函丈次公罷函丈言舒煥也時煥為教授

風流

魏晉間譚笑羲皇上

續魏晉間士尚清譚慕達節視名教吏事為俗陶淵明自謂羲皇上人

洪河

忽已過水色淥可釀君毋輕此樂此樂清且放

與頓起孫勉泛舟探韻得味字

窗前堆梧桐牀下鳴絡緯

養源遜齋閒覽云浙人呼各蟲斯之善鳴者為絡緯織女

佳人

尺書到客子終夜嚼朝來一尊酒晤語聊自慰秋

蟬已無聲霜蟹初有味當為壯士飲昔裂須磔蟬

續劉惔稱桓温眼如紫石稜須作蠟毛磔

勿作兒如懷坐念蠨蛸畏

援詩曰蠨蛸在戶

城亦何有一笑瀉肝胃泛舟以娛君魚鼈多可餘

縱為十日飲

次公史記秦昭王遺平原君書曰願與君為十日之飲

未遽主人費吾儕

俱老矣耿耿知自媿寧能傷門戶啼笑雜猩猩左

思賦猩猩啼而就禽狒狒笑而被格飾猩猩形若狗而人面善與人言被執將死則相對而泣狒狒狀如人面長黑身有尾踵見人則笑笑則唇掩目要將百篇詩一吐千如氣蕭條歲行莫迨此霜

雪和明朝出城南遺迹觀楚魏厚彭城本宋地而其後齊楚魏滅宋三分其地西

風迫吹帽次公吹帽使孟嘉事而退之云霜風破佳菊嘉節迫吹帽金菊亂如沸願君勿

言歸輒別吾所諱次公劉先主言許汜之求田問舍曰元龍所諱也

游惠山并序

予昔為錢塘倅往來無錫未嘗不至惠山既去五年復為湖州與高郵秦太虛杭僧參寥同至覽唐處士王武陵竇羣朱宿所賦詩愛其語清簡蕭然有出塵之姿追用其韻各賦三首

夢裏五年過覺來雙鬢蒼還將塵土足一步漪瀾

堂

次公惠山在常州無錫縣漪瀾堂寺中堂名

俯窺松桂影仰見鴻鶴翔炯然

肝肺間已作冰雪光虛明中有色清淨自生香還從世俗去永與世俗忘

薄雲不遮山疎雨不溼人蕭蕭松徑滑策策芒屨新嘉我二三子皎然無緇磷勝游豈殊昔清句仍絕塵弔古泣舊史疾讒歌小旻哀哉扶風子難與巢許鄰

謂竇羣續竇羣扶風人隱居毘陵以節操聞徵拜左拾遺後為御史中丞探李吉甫陰事帝辨其誣將誅羣吉甫救之

乃免

敲火發山泉烹茶避林樾

厚楚人謂兩樹交陰之下曰樾

明窗傾紫盞

色味兩奇絕吾生眠食耳一飽萬想滅頗笑玉川

子饑弄三百月

續盧全詩開絨宛見諫議面手閱月團三百片

豈如山人睡起

山花發一甌誰與共門外無來轍

端午遍遊諸寺得禪字

肩輿任所適

次公王獻之嘗經吳郡聞顧辟疆有名園先不相識乘平肩輿徑入

遇勝輒留連

焚香引幽步

酌茗開淨筵微雨止還作小窗幽更

妍盆山不見

日草木自蒼然

次公先生詩話自云僕為吳興有游飛英寺詩云微雨止還作

小窗幽更妍盆山不見日草木自蒼然自非至吳越不見此境也

忽登最高壙眼界窮大千

千峰照城郭

敬夫吳興統記云卞山在烏程縣北一十八里

震澤浮雲飛

予仁吳興統記云具

區藪太湖也一名震澤廣一百八十三里

深沈既可喜

曠蕩亦所便幽尋未云

畢墟落生晚煙

師陶淵明詩依依墟里煙

歸來記所歷耿耿清不眠

道人亦未寢孤燈同夜禪

舟成南會者五人分韻賦詩得人皆苦

泛舟城南會者五人分韻賦詩得人皆苦

炎字四首

城中樓閣似魚鱗不見清風起白蘋

次公宋玉風賦曰起於青蘋之末今

湖州有白蘋洲故變用白蘋

試選茗溪最深處仍呼我輩不羈人窺

船野鶴何曾下

次公下字如列子鷗鳥舞而不下之下

見燭飛蟲空自馳遶

郭荷花一千頃誰知六月下塘春

苦熱誠知處處皆何當危坐學心齋

次公管子弟子職篇危坐鄉師顏色

無忤又漢茅容避雨樹下危坐愈恭莊子顏回曰回不飲酒不如葷者數月矣若此可以為心齋乎

海螯要共詩人

把酒次公畢卓云左手持蟹螯

溪月行遭霧雨羈鄉國飄零斷書信

弟兄流落隔江淮便應築室茗溪上荷葉遮門水

浸階

紫蟹鱸魚賤如土得錢相付何曾數

次公杜詩得錢即相覓沽酒不復疑

又後漢謠曰河間詭女能數錢碧筩時作象鼻彎白酒微帶荷心苦

張續

君房勝載歷城北有使君林魏正始中鄭公愨於三伏之際率賓僚避暑於此取大荷葉盛酒以簪刺令與柄通屈莖上輪囷如象鼻傳翕之名為

碧筩歷下皆效之云酒味雜蓮氣香冷勝于他酒

運肘風生看斫臈

次公禮記深衣格之高下可以運肘也運

肘風生亦依莊子運斤成風也

隨刀雪落驚飛縷

續杜詩寶子左右揮霜刀鱸飛金盤白雪高次公張景陽七命

曰乃命支離飛霜鏹紅肌綺散素膚雪落又潘岳西征賦云糝人縷切鑿刀若飛應刃落俎雪霏霏師杜甫姜侯設鱸詩無聲細下落飛雪有骨

已剝膚春蔥

不將醉語作新詩飽食應慙腹如鼓

次公談數載高爽題

鼓嘲孫挹云身有八尺圍腹內無寸腸面皮如許厚受打未遽央

橋上游人夜未罷共依水檻立風檐樓中煮酒初

嘗笑月下新妝半出簾南郭清游繼顏謝

次公謝安顏真卿皆為吳

與太北窗歸臥等義炎人間寒熱無窮事自笑疎頑

不受瘥

與王郎昆仲及兒子邁遶城觀荷花登峴

山亭晚入飛英寺分韻得月明星稀四首

伯恭吳興統記云峴山在州南五里本名顯山晉吳興太守段康於此山上起顯亭後改曰峴山亭

昨夜雨鳴渠曉來風襲月蕭然欲秋意溪水清可
啜環城三十里處處皆佳絕浦蓮浩如海時見舟
一葉此間真避世青莢低白髮

次公唐隱士張志和詞青莢笠碧蓑衣斜風細雨不

須相逢欲相問已逐驚鷗沒

清風定何物可愛不可名所至如君子草木有嘉
聲我行本無事孤舟任斜橫中流自偃仰適與風
相迎舉杯屬浩渺樂此兩無情歸來兩溪間雲水

夜自明

苔水如漢水鱗鱗鴨頭青

續李白詩遙看漢水鴨頭綠恰似蒲萄初撥醅

吳興勝

襄陽萬瓦浮青冥我非羊叔子媿此峴山亭

厚晉書羊祜字

叔子鎮襄陽嘗詣峴山慨然歎息顧謂從事鄒湛曰自有宇宙便有此山由來賢達勝士登此遠望如我與卿者多矣皆湮沒無聞使人悲傷湛曰公德冠四海道嗣前哲令問令望必與此山俱傳至如湛輩當如公言耳悲傷意則同歲月如流星

從我兩王子

子仁謂王適王適也

高鴻插脩翎湛輩何足道當以

德自銘

吏民憐我嬾

鬪訟日已稀能為無事飲

厚史記陳軫謂犀首曰公何好

飲也曰無事也

可作不夜歸

續解道康齊地記曰齊有不夜城

復尋飛英遊盡此

一寸暉撞鐘履聲集顛倒山雲衣我來無時節杖

屨自推扉莫作使君看外似中已非

與胡祠部游法華山

無已蘇州圖經云法華山興福院在吳興西三十里

陂湖欲盡山為界始見寒泉落高派道人未放泉

出山曲折虛堂瀉清快使君年老尚兒戲綠櫂紅

船舞澎湃

續綠櫂紅船作流杯之戲

一笑翻杯水濺裙

續裴慶餘佐李紳幕嘗游江舟子誤

濺近侍衣公變色裴遽為詩曰半額鵝黃金縷衣翠翹浮動玉釵垂從教水濺羅衣溼知是巫山行雨歸公大悅

餘歡濯足

波生隘長松攬天龍起立蒼藤倒谷雲崩壞仰穿

蒙密得清曠一覽震澤吁可怪

次公魯靈光殿賦吁可畏乎其駭人也

誰云

四萬八千頃渺渺東盡日所曬歸塗十里盡風荷

清唱

一聲聞露薤

是日樂工有作此聲者次公挽歌有萬里薤露之曲言薤頭露也今先生却厭露薤字蓋綠杜

詩有盈筐承露薤句也

嗟予少小慕真隱

子仁宋何尚之致仕方山為退居賦以明所守後還攝職素淑乃錄

古人隱士有迹無名者為真隱傳以嗤焉

白髮青衫天所補忽逢佳士與名山

何異枯楊便馬疥君猶鸞鶴偶飄隨六翮如雲豈
長鑱不將新句紀茲處恐負山中清淨債

又次前韻贈賈耘老

具區吞滅三州界次公震澤太湖也一名具區地志云南從湖州長城縣界北入常州晉陵縣界又入無錫縣界

晉陵之東入蘇州吳縣界周回六百五十四里養源蘇州圖經云具區接蘇常湖秀四州界内有大小山七十二洞庭居其一焉浩浩湯

湯納千派從來不著萬斛船次公杜詩蕩蕩萬一葦漁斛船影若揚白虹

舟恣奔快仙壇古洞不可到次公十道記云太湖廣二萬六千頃下有地道潛通巴陵首龍

威丈人所居空聽餘瀾鳴泚泚今朝偶上法華嶺縱觀始

覺人寰隘山頭臥碣石孤冢下有至人僵不壞空

餘白棘網秋蟲無復青蓮出幽怪事見本我來徙倚

長松下欲掘茯苓親洗曬聞道山中富奇藥往往

靈芝雜葵薤詩人空腹待黃精生事只看長柄械

次公杜詩下句云黃精無苗白日盛短衣數挽不掩脰黃魯直云天下杜詩本皆作黃精惟有一本作黃獨至讀本草芋條下云芋魁一名黃獨然後悟杜詩黃獨指言芋魁則先生所見杜詩猶天下之衆本耳伯恭冷齋夜話魯直曰杜詩云黃獨無苗山雪盛俗人易曰黃精子美流離亦未至作道人劔客食黃精也次公變山雪爲白日非是又杜詩云三春溼黃精一食生毛羽又云埽除白髮黃精在今年大熟期

一飽食葉微蟲真癬疥賈云今歲有小蟲食葉不甚爲害白花半落紫穠

香攘臂欲助磨鎌安得山泉變春酒與子一洗

尋常債次公杜詩酒債尋常行處有人生七十古來稀續孫濟權之叔也嗜酒不治產常醉屢欠酒緡人皆笑之濟恬然自若謂人曰

尋常行坐處欠人酒債欲貨此緡袍償之

安國寺尋春

臥聞百舌呼春風起尋花柳邨邨同續杜詩步履隨春風邨邨自花柳子

仁鮑明遠詩行樂篇云春風太多情邨邨花柳好城南古寺脩竹合小房曲檻欹

深紅看花歎老憶年少對酒思家愁老翁病眼不

羞雲母亂鬢絲彊理茶煙中厚杜牧之題禪院詩今日鬢遙

知二月王城外續王城在洛陽玉仙洪福花如海次公玉仙洪福僧寺名薄

羅勻霧蓋新妝快馬爭風鳴雜佩玉川先生真可

憐一生耽酒終無錢續王川先生盧仝也有詩云天下薄夫苦耽酒玉川先生也

俱可憐先生無錢養澹泊有錢無錢病過春風九十日獨抱添丁看

花發援盧仝示添丁詩云數日不食強人行何忍索我抱看滿樹花

雨晴後步至四望亭下魚池上遂自乾明

寺前東岡上歸二首

雨過浮萍合鼃聲滿四鄰海棠真一夢梅子欲嘗

新拄杖閒挑菜鞦韆不見人殷勤木芍藥厚唐開元中林示中呼

牡丹爲木芍藥 獨自殿餘春

高亭廢已久下有種魚塘

次公范蠡齊民要術有種魚法

莫色千山入

春風百草香市橋人寂寂古寺竹蒼蒼鸛鶴來何

處號鳴滿夕陽

與子由同游寒溪西山

師寒溪西寺在武昌縣屬湖北路

散人出入無町畦

次公莊子樛社見夢於匠石曰子幾死之散人又焉知散木而賀知章自號江湖散人又莊子

云彼且無町畦亦與之爲無町畦

朝游湖北莫淮西

次公黃州在淮南西道

高安酒官

雖未上

次公高安筠州也案穎濱遺老傳云子瞻以詩得罪朝廷輒從坐謫監筠州鹽酒稅

兩脚垂欲穿塵

泥與君聚散若雲雨共惜此日相提攜千搖萬兀

到樊口

次公即武昌樊口也

一箭放溜先鳬鷺層層草木暗西嶺

瀏瀏霜雪鳴寒溪

次公西嶺寒溪皆在黃州對岸

空山古寺亦何有歸

路萬頃青玻瓈

次公萬頃玻瓈言水之色似之先生又曰共飲玻瓈江

我今漂泊等鴻

鴈江南江北無常棲幅衣不擬過城市欲踏徑路

開新蹊

路有直入寒溪不過武昌者

却憂別後不忍到見子行跡空

餘悽吾儕流落豈天意自坐迂闊非人擠行逢山

水輒羞歎此去未免勤鹽齏

續退之送窮文有云大學四年朝鹽莫鹽

何當一

遇李八百

厚李八百名脫蜀人也歷世見之時人計之年八百歲因以為號晉書言脫妖術惑眾以鬼道療病又署人官位時

人多信事之為王敦所殺次公案神仙傳李八百蜀人也人莫知其名或隱山林或出市廛其徒唐公房為仙事見在本傳子仁陳搏傳言有一人

青巾短褐叩陳希夷門未報條去追之見老人衣鹿皮曰此神仙李八百也動則八百里

相哀白髮分刀圭

李

百宅在筠州援本州凡散藥有云刀圭者十分方寸匕之一堆如梧桐子大也子仁李白詩金丹別後知傳得乞取刀圭救病身

日日出東門

日日出東門

子仁東坡圖云東門近東坡之門也在乾明寺前五十步今無矣

步尋東城遊

城門抱關卒笑我此何求我亦無所求駕言寫我

憂

次公先生詩話言吾有語云日日出東門步尋東城游又云駕言寫我憂章子厚謂參寥曰前步而後駕何其上下紛紛也僕聞之曰吾

以尻爲輪以神爲馬何曾上下乎參寥曰子瞻文過有理似係子荆曰所以枕流欲洗其耳所以漱石欲礪其齒詩駕言出游以寫我憂意適

忽忘返路窮乃歸休懸知百歲後父老說故侯古

來賢達人此路誰不由百年寓華屋千載歸山丘

何事羊公子不肖過西州

厚謝安甥羊曇爲安所愛安薨後輟樂彌年行不由西州路嘗因大

醉扶路唱樂不覺至西州門左右白曰此西州門也悲感不已以馬策叩扉誦曹子建詩曰生存華屋處零落歸山丘因慟哭而去

真覺院有洛花花時不暇往四月十八日

與劉景文同往賞枇杷

綠暗初迎夏紅殘不及春魏花非老伴盧橘是鄉

人

師談助云盧橘枇杷也揚雄賦盧橘夏熟

井落依山盡巖崖發興新歲寒君

記取松雪看蒼鱗

又和劉景文韻

牡丹松檜一時栽付與春風自在開
試問壁閒題字客幾人不為看花來

游羅浮山一首示兒子過

人間有此白玉京

次公史記曰天上白玉京五城十二樓

羅浮見日雞一鳴

鶴柴曰森蔚雄偉以御風凌雲之氣以之是亦新宮銘所稱天籟雲徐鳳蕭冷微者耶

劉夢得有詩記羅浮夜半見日事山不甚高而夜見日此可異也
厚夢得詩云陰陽迭用事乃俾夜作晨唧喔天雞鳴扶桑色昕昕赤波十萬里湧出黃南樓未必齊日觀
雞一鳴見日始出長三丈許
鬱儀自

欲朝朱明

山有二石樓今延祥寺在南樓下朱明洞在冲虛觀後云是蓬萊第七洞天厚黃庭內景經萬奔日月吾上道鬱儀

結鄰善相保注云鬱儀儀奔日之仙也

東坡之師抱朴老

援葛洪字稚川自號抱朴子也

真契久

已交前生玉堂金馬久流落

厚揚雄解嘲云歷金馬堂有日矣

寸田尺

宅今誰耕

蘇黃庭經云寸田尺宅可理生蓋道家以丹田曰寸田面曰尺宅也

道華亦嘗噉一

棗

唐永樂道士侯道華竊食鄧天師藥仙去永樂有無核棗人不可得道華獨得之予在岐下亦嘗得食一枚

契虛正欲

仇三彭

唐僧契虛遇人導游稚川仙府真人問曰汝絕三彭之仇乎契虛不能答

鐵橋石柱連空橫

山有鐵橋石柱人罕至者

杖藜欲趁飛猱輕雲谿夜逢瘖虎伏

山有啞虎巡山

斗壇畫出銅龍吟

沖虛觀後有朱真人朝斗壇近於壇上獲銅龍六銅魚一

小兒少年有

奇志中宵起坐存黃庭

厚黃庭內景經云脾神常在字魂庭晝夜存之可長生注云魂庭即黃庭也

近者戲作凌雲賦

援司馬相如奏大人賦武帝大悅飄飄然有凌雲氣游天地之間意

筆勢彷彿

離騷經負書從我盍歸去羣仙正草新宮銘汝應

奴隸蔡少霞我亦季孟山玄卿

唐有夢書新宮銘者云紫陽真人山玄卿撰其略曰

良常西麓原澤東池新宮宏宏崇軒轅轅又有蔡少霞者夢人遣書碑略曰公昔乘魚車今履瑞雲躅空仰塗綺輅輪囷其末題云五雲書閣吏蔡

少霞書

還須略報老同叔贏糧萬里尋初平

子由一字同叔續莊子南榮越

贏糧而見老人神仙傳黃初平牧羊有一道士攜至金華山其後兄初起尋之但見白石問羊何在初平叱石曰起皆起成羊也

正月二十四日與兒子過賴仙芝王原秀

才僧曇穎行全道士何宗一同游羅浮道

院及栖禪精舍過作詩和其韻寄邁迨一

首十朋栖禪寺在惠州豐湖上

斷橋隔勝踐脫屨欣小揭瘴花已繁紅官柳猶疎

細斜川二三子悼歎吾年逝厚陶淵明游斜川詩序云天氣澄和風物閑美與二三鄰曲同

游斜川又云悲日月之遂往悼吾年之不留淒涼羅浮館風壁頽雨砌黃冠常

苦饑迎客羞破袂仙山在何許歸鶴時隋毳崎嶇

食松黃厚本州圖經松枝上黃粉名松黃山人及時拂取作湯點之欲救齒髮弊坐令禪

客笑一夢等千歲栖禪晚置酒蠻果粢蕉荔援韓退之雅也

廊碑荔子丹芳蕉葉黃雅有蔬芳進侯堂齋廚金無羹野餉籃有蕙嬉游趁時

節俯仰了此世猶當洗業障更作臨水禊厚應劭風俗通禊者

潔也故於水上盥潔之也寄書陽羨兒并語長頭弟次公陽羨兒言邁也長頭弟則言迨也陽羨乃

常州二子在常州也迨之長門戶各努力先期畢租稅頤生前集有詩可見其實

與程正輔游碧落洞

空山不難到絕境未易名何時謫仙人來作釣天

聲胸中幾雲夢續司馬相如子虛賦齊人言其青丘之澤吞楚雲夢者八九而於胸中曾不芥蒂餘地

多恢宏長庚與北斗錯落綴冠纓厚曹子建與陳琳書云披翠雲以為衣戴北斗

以為黃公獻紫芝厚崔琦四皓頌昔商山四皓者蓋角里先生綺里季夏黃公東園公也秦世道滅德消坑黜儒術乃

退而作歌曰莫莫高山深谷逶迤晷晷紫芝可以療飢唐虞世遠吾將何歸駟馬高蓋其憂甚大富貴畏人者不如貧賤之肆志子輦案本艸紫芝

味甘溫保神益精赤松餽青精次公赤松古神仙名也青精仙飯名也真誥載霍山有道士鄧伯原

受青精石飯之法杜詩云豈無青精飯使我顏色好谿山久寂莫請續離騷經抱枝

寒蛭咽繞耳飛蚤清謫仙撫掌笑笑此羽皇銘我

頃嘗獨游自適孤雲情君今又繼往霧雨愁青冥

感君兄弟意尋羊問初平玉牀分箭鏃次公玉牀丹砂所生之處也丹

砂如箭鏃者良不忍獨長生詩成輒寄我妙絕陶謝并孤鴻

方避弋援揚子鴻飛冥冥弋人何慕焉老驥猶在垆次公魏武帝樂府老驥伏櫪志在千里在垆以言其

閑散也詩駟駒牡馬在垆之野鳥獸如可羣永寄槁木形何山不堪隱

飲水自脩齡

徐元用使君與其子端嘗邀僕與兒子過

同游金山浮金堂戲作此詩

昔與徐使君共賞錢塘春愛此小天竺時來中聖

人松如遷客老酒似使君醕子仁梁書顧憲之為建康令清儉彊力甚得民和故京師飲酒

者得醕者輒號為顧建康繫舟藤城下弄月鐔江濱次公藤州之縣名曰鐔津江月

夜夜好山雲朝朝新使君有令子子仁南史褚淵嘗謂任時父遙曰聞卿有令子

相為喜之所謂百不為多一不為少真是石麒麟援徐陵生數歲僧寶誌見之曰此天上石麒麟也我子

乃散材續莊子匠石見櫟社曰此散材也有如木輪囷援鄒陽云蟠木根柢輪囷離奇二老白

接羅續襄陽小兒謂山簡曰倒著白接羅兩郎烏角巾次公杜詩錦里先生烏角巾醉臥松下

石子仁李白詩夜臥松下石飢餐石中髓扶歸江上津浮橋半沒水揭此碧

鱗鱗

重游終南子由以詩見寄次韻

去年新柳報春回今日殘花覆綠苔溪上有堂還

獨宿誰人無事月重來古琴彈罷風吹坐山閣醒

時月照杯

子仁令趙宗有彈鳴鹿與張果之宿西溪堂皆東坡去年詩中事也

嬾不作詩君錯

料舊逋應許過時陪

子仁子由所寄詩云定邀道士彈鳴鹿誰與溪堂共酒杯應有新詩還寄我與君和

取當游陪

杭州游山

山平邨隴迷野寺鐘相答晚陰生林杪落日猶在

塔行招兩社僧共步青雲月送客渡石橋迎客出

林樾幽尋本真性往事聽徐說錢王方壯年此邦

事輕俠鄉人鄙貧賤異類識英傑立石像興王遺

址今岌業功勲三吳定富貴四海甲歸來父老藏

崇高畏輕壓

續錢越王始以鄉兵破走黃巢復以八都兵討劉漢宏并越州以奉董昌而自居於杭及昌以越叛則誅昌以

并越盡有浙東西地

詩人工譏病此欲恣挑抉流傳後世人譚

笑資口舌是非今已矣興廢何倉卒持歸問禪翁
笑指浮漚沒

柳子玉以詩見邀同刁丈遊金山

君年甲子久相逢

續左傳絳縣老人曰臣生之歲正月甲子朔難
四百有四十五甲子矣師曠曰七十三矣

向君前說老翁更有方瞳八十一奮衣矍走山
中

惠山謁錢道人烹小龍團登絕頂望太湖

踏遍江南南岸山逢山未免更留連獨攜天上小

團月來謁人間第二泉

厚陸羽品泉以無錫
惠山寺石泉為第二

石路縈回九

龍脊水光翻動五湖天孫登無語空歸去半嶺松

聲萬壑傳

續阮籍嘗於蘇門山遇孫登與商略終古及棲神導氣之
術登皆不應因長嘯而退至半嶺有聲若鸞鳳之音鄉音乎

巖谷乃登之嘯也

游廬山次韻章傳道

塵容已似服轅駒

續西漢田蚡傳漢武怒內史曰平生數言魏其武安長短今日廷論乃局促效轅下駒

野

性猶同縱壑魚

厚西漢王褒聖主得賢臣頌沛乎若巨魚之縱大壑

出入巖巒千仞

表較量筋力十年初雖無窈窕驅前馬還有鴟夷

挂後車

援揚雄酒箴鴟夷滑稽腹大如壺常為國器託于屬車笑公詩命彼後車窈窕驅前馬言官妓引馬師禮執燭前馬

莫

笑吟詩澹生活

續裴度居守東洛夜宴半酣度索聯句元白有得色度為破題次至楊汝士曰昔日蘭舟無豔質此

時金谷有高人居易知不能加遽裂之曰笙歌鼎沸莫作冷澹生活

當令阿買為君書

厚退之詩云阿買不

識字頗知書八分詩成使之寫亦足張吾軍莫卿或問黃魯直阿買是退之何人魯直云退之姪也必有所據而去耳

正月二十日往岐亭郡人潘古郭三人送

予於女王城東禪莊院

十朋先生志林云黃州東十五里有永安城俗謂之女王城

十日春寒不出門不知江柳已搖紅稍聞決決流

冰谷盡放青青沒燒痕子仁古詩岡分河勢斷春入燒痕青數畝荒園留

我住半銚濁酒待君溫去年今日關山路細雨梅

花正盛魂次公先生集中梅花兩絕乃欲至黃州時詩其一云昨夜東風吹石裂半隨飛雪度關山集中但題云梅花兩首而

先生嘗自寫則題云正月二十日過關山作

八月十五日看潮五絕

定知玉兔十分圓已作霜風九月寒寄語重門休

上鑰夜潮留向月中看

萬人鼓噪囂吳儂猶似浮江老阿童續晉書羊祜傳童謠曰阿童復阿童

銜刀浮渡江不畏岸上虎但畏水中龍羊祜曰此必水軍有功知王濬小字阿童因表監益州諸軍事加龍驤將軍密令修舟楫為順流之計濬終

滅欲識潮頭高幾許越山渾在浪花中

江邊身世兩悠悠久與滄波共白頭造物亦知人

易老故教江水更西流

吳兒生長狎濤淵冒種輕生不自憐東海若知明

主意應教船鹵變桑田

是時新有旨禁弄潮續太平廣記麻姑自言見東海三為桑田向到蓬萊水又

淺於往昔豈將復還為陵陸乎王方平笑曰聖人皆言海中行復湯塵也

師案公赴詔獄招此詩諷主上好興利而不知害多利少稱海變桑田此

廷興水利之必不可成也

援莊子孔子見老聃曰丘之於道也其猶醯雞歟微夫子之發吾覆也吾不知天地之大全也

海若東來氣吐霓

續莊子河伯見秋水以天下之美為在己安得

起羞水犀手

厚吳王夫差有水犀甲三千

三千彊弩射潮低

吳越王嘗以弓弩射

潮頭與海神戰自爾水不近城

游桓山會者十人以春水滿四澤夏雲多

奇峰為韻得澤字

東郊欲尋春未見鶯花迹春風在流水鳬鴈先拍

拍

次公退之病鴟詩青泥淹兩翅拍拍不得離

孤帆信溶漾弄此半篙碧樣舟

桓山下

厚桓山在彭城泗水上即宋司馬桓雕墓也

長嘯理輕策彈琴石室中

幽響清磔磔

子仁先生游桓山記云登桓山入石室使道士戴日祥鼓雷氏之琴今詩蓋紀實也

弔彼泉

下人野火失枯腊悟此人間世何者為真宅

續前漢楊士孫

云支體束絡口含玉石欲化不得為枯腊千載之後乃得歸土就其真宅

莫回百步洪散坐洪上

石媿我非王襄子淵甯見客

援子淵王襄也王襄為益州刺史得王襄而薦之臨

流吹洞簫

次公蓋王襄有洞簫賦也

水月照連壁

謂王氏兄弟厚晉夏侯湛美容觀與潘岳友善

京都謂之連壁

此歡真不朽回首歲月隔想像斜川遊作詩

繼彭澤

續彭澤陶淵明也嘗為彭澤令其後退歸田園嘗為斜川之游今集中有正月五日游斜川詩

戴道士得四字代作

堯卿戴日祥江南人也

少小家江南寄迹方外士偶隨白雲出賣藥彭城

市

厚後漢韓康採藥名山賣於長安市口不二價

雪霜侵杖屨塵土汗冠袂賴

存三尺桐

次公三尺桐琴也廣雅曰神農氏琴長三尺六寸六分

中有山水意

續伯牙鼓琴志

在高山鍾子期曰巍巍乎志在流水曰湯湯乎

自從夷夏亂七絃久已廢

次公唐法曲雖失雅

音然本諸夏之聲故歷朝行為天寶十三載始詔道調法曲與胡部新聲合作自爾夷夏之聲相亂無復辨者前輩嘗言今世所謂琴者乃古之

鄭衛耳今世所謂鄭衛則皆胡風矣而雅音替壞不復存焉

心知鹿鳴三

援左傳歌鹿鳴之三而琴操有鹿鳴曲三疊

不及胡琴四

厚胡琴琵琶也本胡中馬上所鼓四絃以象四時

使君獨慕古嗜好

與衆異共弔桓魋宮一灑孟嘗淚

次公桓譚新論曰雅門周以琴見孟嘗君曰臣

竊悲千秋萬歲後墳墓生荆棘狐兔穴其中樵兒牧豎躑躅而歌其上行

人見之悽愴曰孟嘗君之尊貴如何若此乎孟嘗君喟然歎息淚下承睫
歸來鎖塵匣獨對斷絃喟挂名石壁間寂莫千載

事

正月二十日與潘郭二生出郊尋春忽記

去年是日同至女王城作詩乃和前韻

東風未肯入東門走馬還尋去歲人似秋鴻來
有信事如春夢了無痕江城白酒三杯釀野老蒼
顏一笑溫已約年年爲此會故人不用賦招魂

唐道人言天目山上俯視雷雨晦大雷電

但聞雲中如嬰兒聲殊不聞雷震也

堯祖案
臨安圖

經云天目山在縣西五十里高三千九百丈周回八百里
乃神仙所居有三十六洞又太平寰宇記云山有兩湖若
左君目故名天目善權案唐道
士字子霞嘗作天目山真境錄

已外浮名更外身區區雷電若爲神山頭只作嬰

兒看無限人間失箸人

任先主聽曹公語方食失匕箸時會雷震先主因謂曹公曰一震之威乃至此

許州西湖

西湖小雨晴濫濫春渠長來從古城角夜半傳新
響使君欲春游浚沼役千掌紛紛具畚鍤鬧若蟻
運壤天桃弄春色生意寒猶快惟有落殘梅標格
苦矜爽游人空已集挈榼三且兩醉客臥道旁扶
起尚偃仰池臺信宏麗貴與民同賞但恐城市歡
不知田野愴潁川七不登野氣長蒼莽誰知萬里
客湖上獨長想

西湖絕句

春來濯濯江邊柳秋後離離湖上花不羨千金買

歌舞一篇珠玉是生涯

仙游潭五首

潭上有寺二一在潭北循黑水而上為東路至北寺東路險不可騎馬而西路隔潭潭水深不可測上以一木為橋不敢過故南寺有塔望之可愛而終不可到

潭

翠壁下無路何年雷雨穿光搖巖上寺深到影中

天我欲然犀看

續晉溫嶠過牛渚磯深不可測世云下多怪物遂然犀角而照之須臾見水族覆火奇形異狀嶠是

夜夢人謂曰與君幽明道別何意相照也

龍應抱寶眠

續莊子驪龍頷下有千金之珠在九重之淵子能得之者必遭

其睡也次公傳奇載周郎有奴善入水名曰水精相州八角井夜嘗有光如虹邯鄲命水精入井良久出曰有一黃龍極大抱數顆明珠熟寐誰

言孤石上危坐試僧禪

南寺

東去愁攀石西來怯渡橋碧潭如見試白塔苦相

招野饋慚微薄邨沽慰寂寥路窮斤斧絕松桂得
干霄

北寺

唐初傳有此亂後不留碑畏虎關門早無邨得米

遲

次公杜詩小市常爭米孤城早閉門

山泉自入甕野桂不勝炊

甕戰國策蘇秦謂楚王曰

國之食貴於玉薪貴於桂謁者難見如鬼王難見如天帝今臣食王炊桂因鬼見帝不亦難乎

信美那能久

亮卿王粲

登樓賦云信美而非吾土兮曾何足以久留

應先學忍飢

馬融石室

未應將軍聘初從季直游絳紗生不識

續馬融傳大將軍鄧騭聞融名

召為舍人不應命摯恂字季直隱於南山融從恂游博通經籍常坐高堂施絳紗帳前授生徒後列女樂

蒼石尚能留

豈害依梁冀何須困李侯

續梁冀誅奏李固融在坐為冀艸奏吳祐謂融曰李公之罪成於脚

手李公即誅卿何面目見天下乎
吾詩慎勿刻鵠為君羞

玉女洞

洞裏吹簫子終年守獨幽石泉為曉鏡山月當簾鉤
歲晚杉楓盡人歸霧雨愁送迎應鄙陋誰繼楚

臣謳

續沅湘間其俗信鬼作歌舞以樂諸神屈原放逐見其詞鄙陋遂為作九歌之曲次公送迎字退之羅池廟碑云作迎享送神詩遺

柳民俾歌以祀焉

次韻陳履常張公龍潭

明經宣城宰

續先生昭靈侯碑云張公諱路斯以明經為宣城令夫人石氏生九子自宣城罷歸嘗釣于焦臺一日

見釣處有宮殿遂入居之自是歸輒體寒而溼問其故曰我龍也夢人鄭祥遠亦龍也與我爭此居明日當戰使九子助我我領絳綃而鄭青綃明日九子射青綃者中之九子皆為龍子孫居穎上
家此百尺瀾鄭公不量力敢以

非意干玄黃雜兩戰

次公易坤上六龍戰于野其血玄黃
絳青表雙蟠烈

氣斃彊敵仁心惻飢寒精誠禱必赴苟簡求亦難

蕭條麥麴祐浩蕩日月寬念子無吏責十日勤征

鞍春蔬得雨雪少助先生槃

續閩川名士傳薛令之詩朝日上團團照見先生槃槃中何所

有苜蓿長闌干

龍不憚往來而我獨宴安閉閣默自責

援前漢韓延壽

守馮翊民有昆弟相訟者延壽大傷之曰幸得備位為郡表率不能宣明教化至令民有骨肉爭訟咎在馮翊因入臥傳舍閉閣思過

神交

清夜闌

曾元恕游龍山呂穆仲不至

青春不覺老朱顏彊半消磨簿領間愁客倦吟花
以酒佳人休唱日銜山共知寒食明朝過且赴僧
窗半日閒命駕呂安邀不至浴沂曾點莫方還

東園

岑寂東園可散愁
膠膠擾擾夢神州
萬竿苦竹旌旗卷
一部鳴鼉鼓吹收
雨後月前天欲冷
身閒心遠地偏幽
杜門謝客恐生謗
且作人間鵬鷁遊

與道源遊西莊遇齊道人同往草堂爲齊

書此

桑麻已零落
藻荇復銷沈
園宅在人境
歲時傷我心
疆穿南埭路
遙望北山岑
欲與道人語
跨鞍聊一尋

蘇東坡詩集注卷第三

一

以獻京南東都金聖北山客於京直入都金聖北
亦稱已零茶葉其於金聖北山客於京直入都金聖北

書

與蘇軾並出蘇軾齊直入同林草堂為齊

蘇軾蘇軾林門樞密公士歸且於入開訓嚴並

蘇軾一時真畫精知外兩對民前天始令良聞公

